

## Ս. Հակոբյան

## Ն. ՅԱ. ՄԱՌԸ ԵՎ ՄԻՋՆԱԴԱՐՅԱՆ ՀԱՅԿԱԿԱՆ ՔԱՂԱՔԻ ՈՒՍՈՒՄՆԱՍԻՐՈՒԹՅԱՆ ՊՐՈԲԼԵՄԸ

Ականավոր մարքսիստ գիտնական ակադեմիկոս Ն. Մառը իր բազմաթիվ և հատկապես «*Анн*» (Երևան, 1939 թ.), «*Кавказский культурный мир и Армения*» (СПб. 1915 г.), «*К столетию дня рождения М. И. Броссе*» (СПб. 1902 г.), «*Новые материалы по армянской эпиграфике*» (ЗВО РАО, т. VIII, СПб. 1893 г.), «*Надпись Епифания, католика Грузии*» (ИИАН, СПб. 1910 г.), «*Сборники притч Вардана*» (СПб. 1894 г.), «*По поводу работы архит. Т. Тораманяна*» (ЗВО, т. XIX, вып. 1, 1909 г.), «*Кавказ и памятники его духовной культуры*», (СПб. 1919), «*Батум—Ардаган—Карс исторический узел межнациональных отношений Кавказа*» (Петроград, 1922 г.) աշխատություններում ոչ միայն շոշափել, այլև գիտականորեն լուծել է միջնադարյան հայկական քաղաքի և հայ ժողովրդի սոցիալական պատմության բազմաթիվ հարցեր, որոնց պարզարանումն ու ընդհանրացումը մեզ հնարավորություն է ընձևում գիտական հիմքի վրա դնելու քաղաքների ծագման, զարգացման, կառուցվածքի, ներքին ու արտաքին առևտրի, դասային ու սոցիալական հարաբերությունների, վարչական կարգերի, արհեստային արտադրության զարգացման և համբարությունների գոյության պրոբլեմները: Հայտնի է, որ վերոհիշյալ պրոբլեմները մեր ժողովրդի պատմության ամենակենդանու և դժվար լուծելի հարցերից են: Առանց այդ պրոբլեմների դոնե մոտավոր պարզարանման, մենք անկարող ենք լուծել հայ հասարակության սոցիալական կյանքի բազմաթիվ խնդիրները՝ ասենք հողային հարաբերությունների, ճորտական իրավունքի զարգացման, ֆեոդալական տնտեսության ընդլայնման, քաղաքային կյանքի բուռն վերելքի և քաղաքներում առաջացած նոր հարաբերությունների ու դրանց հետ սերտորեն առնչվող այլև այլ հարցեր: Ակադ. Մառից հետո քաղաքների և քաղաքային կյանքի պատմության հետազոտությունը շատ առաջ է տարվել, եթե հիշվենք ակադեմիկոս Հ. Մանանդյանի երեք աշխատությունները՝ «*О торговле и городах Армении в связи с мировой торговлей древних времен*» (Երևան, 1930 թ.), «*Ֆեոդալիզմը եին Հայաստանում*» (Երևան, 1934 թ.) և «*Հայաստանի քաղաքները 10—11-րդ դարերում*» (Երևան, 1940 թ.), որտեղ ակադեմիկոս Հ. Մանանդյանը գերադանցապես տալիս է քաղաքների տեղադրությունը, առևտրական տրանզիտային ուղիները, արտաքին ու ներքին առևտուրը, բայց ոչ քաղաքների ներքին իրական կյանքի պատմությունը:

Հայկական միջնադարյան բազմաթիվ քաղաքներից միայն Անից է, որ հետազոտվել և ուսումնասիրվել է բազմակողմանի կերպով: Անի քաղաքի պատմությունը դարձել է հայ, ~~ուսումնասիրվել է~~ և Եվրոպական գիտնականների ճեզեկագիր 7—2

ուսումնասիրություններից մեկը: Նրա պատմությունը զրազվել են նաև Թորամանյանը, Հ. Սրբելին, Մինաս Բժշկյանը, ակադ. Մ. Բրոսեն, Ալիշանը, Քուրբչյանը, Ստրգիս Ջալալյանը, Հ. Ներսես Սարգսյանը, Ա. Մուրավյովը, Լեոն և ուրիշները:<sup>1</sup>

Սակայն այս բոլոր գիտնականները, ճանապարհորդները իրենց աշխատություններում հատկապես տվել են քաղաքի արտաքին նկարագիրը: Անի քաղաքի ներքին կյանքը, նրա պատմական անցյալի գիտական հետազոտությունը սկսվում և վերջանում է ակադ. Ն. Մառով: Նա մեր պատմադրության մեջ առաջինն էր, որ հետազոտեց ոչ միայն Անիի պատմությունը, այլև պեղեց Անիի նյութական կուլտուրայի հուշարձանները, այն բաղադրատեղի և լրացրեց ազդային պատմագիրների բաղմաթիվ վկայությունների հետ և գիտական հիմքի վրա դրեց «Աշխարհաեռչակ Անիի» պատմությունը:

Ն. Մառը մեր պատմադրության մեջ առաջինն էր, որ դուրս եկավ հայ կղերա-ազդայնական տրագիդիոն պատմադրություն այն դրույթի դեմ, որ իբր թե Բաղրատունիների թագավորության անկման հետևանքով Հայաստանում քաղաքական կյանքը հետադիմում է և ապրում է իր մայրամուտը: Նա, ընդհակառակը, ապացուցեց, որ Բաղրատունիներից հետո էլ Հայաստանում քաղաքային կյանքն ընդհանրապես և Անիում մասնավորապես, ոչ միայն կանգ չի առնում, այլ աճում ու բարգավաճում է: Քաղաքների և նրանց պատմական անցյալի մասին հայ տրագիդիոն պատմադրության այդ դրույթը, զրուծ է մեծ գիտնականը, «Անհայտ է, թե ղեռ որքան ժամանակով կշարունակվեր, եթե չսկսվեին Անիի հնագիտական պեղումները»:

Մառը իրավամբ հայ ժողովրդի պատմական անցյալի կնճռոտ հարցերը լուծելու խնդրում խոշոր նշանակություն էր տալիս հնագիտությանը: «Քարերը,—զրուծ է նա,—խոսում են ուսուցիչի տեղաշարժերի մասին, երբ այնքան առատորեն զրված հայրենի պատմությունը նրանց մասին լուծ է որպես գերեզմանոց»:

Քաղաքների գիտական պատմությունը ըստ Ն. Մառի, շարադրել անհնարին է, առանց հնագիտական պեղումների: Քաղաքների պատմություն համար միայն դրավոր, այն էլ կցկտուր, իսկ շատ հաճախ միտումնավոր դրավոր ազդյունները մեղ շատ բան չեն տալիս, եթե այդ վկայությունները չստուգվեն ու լրացվեն նյութական կուլտուրայի հուշարձաններով:

«Անի քաղաքի պատմությունը, զրուծ է Մառը,—ինչպես այն շարադրված է զրոգների մոտ, կարող է մեր ուշադրությունը դրավել տասը,

<sup>1</sup> Թ. Թոռամանյան, «Անի քաղաքի Ամրոց» (Տես ազդարարական հանդես, 1912 թ.), նույնի «Հայկական ճարտարապետության պատմություն», հատոր 1—2-րդ: Հ. Օրբելի—«Անույ աւերակներն», Վաղ-սլատ, 1911 թ.: Մ. Բժշկյան—«Ճանապարհորդություն ի Լեհաստան, 1830 թ.», Brosset—«Les ruines d'Ani» (I—II, 1860—1861): Ալիշան—«Շիրակ», Վենետիկ, 1881: Նույնի «Տեղեկագիր Հայոց Մեծացու Նույնի «Ներսարք հայկականը»: «Պ. Քուրբչյանի լուսանկարչական ալբոմի հնագիտական արժեքը (տես «Փորձ», 1880 թ., № 10-րդ): Սարգիս Վարդապետ Ջալալյան—«Ճանապարհորդություններ», Թեֆլիս, 1858 թ.: Муравьев—«Грузия и Армения», Тифлис, 1848 թ. II. Լեոն—Անի, Երևան, 1946 թ.: Ս. Արոյան—«Վերջ Հայաստանի»:

<sup>2</sup> Н. Марр, «Ани», Ереван, 1939 г., стр. 25.

<sup>3</sup> Н. Марр, «Ани», М. Л. 1934 г. Предисловие, стр. X.

քսան ընդհանուր (քաղաքի պատմությունը) դրավոր աղբյուրներում ներկայացված է աղքատիկ, համեմատած այն պահանջների հետ, որ ծագում է մեր մեջ, երբ մենք դեմ առ դեմ հանդիպում ենք իրեն՝ քաղաքին և նրա հուշարձաններին<sup>1</sup>։

«1892 թվականին՝ առաջին պեղումները,—շարունակում է Մառը,—պետք է ընդհանուր առմամբ նրա տրադիցիոն պատմադրության նկատմամբ։ Բազմատունիների թագավորության անկումը և Անիի հայերի քաղաքական անկախության կորուստը երբեք էլ իրենց հետ չբերեցին հայկական կուլտուրայի և մասնավորապես Անիի արվեստի անկում։ Քաղաքը շարունակում էր իր աճը և 1043 թվականից հետո էլ, երբ նա զաղարում է Բագրատունիների տոհմական արքայանիստ կենտրոն լինելուց, հյուրանոցների, քարվանսարանների և նրանց հարակից շինությունների պեղումները մասամբ... մեղ նյութեր են տալիս լրացնելու Անիի, այդ սկզբնական շրջանի պատմության վերածնության ընթացքը<sup>2</sup>։

Պեղումների հարուստ նյութերի հիման վրա ակադեմիկոս Սառը հանգեց այն եզրակացության, որ ընդհուպ մինչև 13-րդ դարի երկրորդ կեսերը Հայաստանը քաղաքային շինարարության դարգացման համար անօրինակ ժամանակաշրջան էր ապրում։

\* \* \*

Մինչև մարքսիստական պատմագրությունը, բուրժուական պատմական գիտության ներկայացուցիչները քաղաքների ծագման և առաջացման պատմության հիմքում գրել են արտաքին կարգի գործոններ։ Երանց կարծիքով հին և միջնադարյան քաղաքները ծագել և առաջացել են գերադանցապես տրանզիտային առևտրական ուղիների վրա և աշխարհագրական ու ռազմա-ստրատեգիական նպաստավոր վայրերում։ Անկասկած է, որ մենք այդ գործոնների դերը բացասել չենք կարող։ Աշխարհագրական նպաստավոր պայմանները և տրանզիտային առևտրական ուղիները հանդիսացել են քաղաքների առաջացման ու զարգացման արագացնող գործոններ և ոչ ավելին։ Քաղաքների, արհեստային արտադրության, առևտրի, երկրի վարչա-քաղաքական կենտրոնների առաջացման պրոցեսը սերտորեն զուգակցված է երկրի ֆեոդալիզացման պրոցեսի և արտադրողական ուժերի ու արտադրական հարաբերությունների զարգացման հետ։ Այս կամ այն երկրի, երկրամասի և նույնիսկ առանձին իշխանությունների ֆեոդալիզացման պրոցեսն ընթացել է ոչ միայն աղբյուրային հարաբերությունների զարգացման ու խորացման, այլև ֆեոդալական քաղաք-ամրոցների առաջացման ուղիով։ Քաղաք-ամրոցները, արքայական և իշխանական զոյակ-պալատները առաջացել են ամենից առաջ երկրի այն մասերում, որտեղ անհամեմատ ավելի բարձր աստիճանի է հասել հողագործությունը, կուլտուրական և տեխնիկական բույսերի մշակույթը, որտեղ ֆեոդալական պալատ-զոյակի սպառողական կարիքները բավարարելու համար հանդես են եկել արհեստները, շուկայական ներքին կապերը, ապրանքափոխանակությունը ու դրամական շրջանառությունը։ Քաղաքները և քա-

<sup>1</sup> Н. Марр, „Ани“, Ереван, 1939 г. стр. 4.

<sup>2</sup> Н. Марр, „Ани“, стр. 60—61.

ղաքատիպ վայրերը ստեղծվում էին հատկապես երկրի այն մասերում, որտեղ ամենից վաղ առաջացել էին տնտեսական կապեր առանձին մասերի, իշխանությունների, իսկ տվելի ուշ՝ առանձին երկրամասերի միջև: Տնտեսական այդ կապերը իրենց հերթին խթանում էին արհեստային արտադրության և ապրանքափոխանակության զարգացմանը: Հանդես էին գալիս բազմաթիվ և բազմատեսակ արհեստներ, որոնք արտադրում էին ոչ միայն սպառողական կարիքները բավարարելու, այլև շուկաների համար:

Մարքսը՝ խոսելով ֆեոդալական արտադրողական եղանակի պայմաններում արտադրողական ուժերի զարգացման մասին, նշում է, որ դյուդացին, նույնիսկ այս պայմաններում, հնարավորություն ուներ զբաղվելու տնային արհեստներով: Ֆեոդալական հասարակարգի արտադրողական ուժերի զարգացումն ընթանում է ոչ միայն տեխնիկական մակարդակի բարձրացման, այլև արհեստային արտադրության զարգացման գծով: Առանձին ֆեոդալների կալվածքներում, վանքերին ու եկեղեցիներին կից, արդեն ստվար թիվ են կազմում ճորտ արհեստավորները՝ կավագործները, տալապագործները, խառատները, դարբինները, կաշեգործները, ատաղձագործները և այլն: Բացի ճորտ արհեստավորներից, ֆեոդալ կալվածատերը շահագործում էր նույնիսկ թափառաշրջիկ արհեստավորներին և նրանց արտադրանքի մի մասը դուրս էր բերում շուկա: Հետագայում, ինչպես դյուդատնտեսության, այնպես էլ արհեստային արտադրության բնագավառում, արտադրողական ուժերի զարգացումը ստեղծում էր տնտեսական բոլոր նախադրյալները աշխատանքի հասարակական բաժանման, արտաքին և ներքին շուկայական կապերի զարգացման համար: Աշխատանքի հասարակական բաժանումը առաջ բերեց արհեստային արտադրության բաժանումը երկրագործությունից և հիմք հանդիսացավ ֆեոդալական քաղաքների առաջացման ու զարգացման: Այս պայմաններում ֆեոդալական քաղաք-ամրոցը արդեն հանդիսանում է ոչ միայն ֆեոդալի վարչա-քաղաքական, այլև արհեստային արտադրության և առևտրի կենտրոնը:

«Ստեղծվում էին,—գրում է Էնգելսը,—նոր քաղաքներ. նրանք բոլորն էլ շրջապատված էին պարիսպներով և խոր փոսերով. նրանց բերդերը շատ ավելի անմատչելի էին, քան աղյուսկանների զոլակները: Օյդ պարիսպների հետևում զարգացավ միջնադարյան առևտուրն ու արհեստը... Առաջ եկավ քաղաքների միմյանց հետ և միմյանց աշխարհի հետ փոխադարձաբար շփվելու պահանջը»<sup>1</sup>:

Ֆեոդալական հասարակարգի պատմության առաջին էտապում քաղաքներն ամենից առաջ ստեղծվում էին ֆեոդալի կալվածքում և հանդիսանում էին նրա մասնավոր տիրույթը: Ֆեոդալ կալվածատերը ոչ միայն հարկի էր ենթարկում դյուդացիներին, այլև քաղաքում բնակություն հաստատող բնակիչներին: Ավելին, Նա ստիպում էր քաղաքի բնակիչներին կատարելու հասարակական հարկադիր աշխատանք: Նրա ձեռքում էր գտնվում քաղաքի և՛ վարչական և՛ դատական իշխանությունը: Նա իրավունք ուներ կտակելու, վաճառելու, նվիրելու, օտարացնելու ամրոց քաղաքներ և դյուդեր: Պատմական այս ժամանակաշրջանում ղեկ գյուղը քա-

<sup>1</sup> Маркс и Энгельс, том XVI, ч. I, стр. 440.

դաքականապես իշխում էր քաղաքի վրա, իսկ քաղաքը տնտեսապես շահագործում էր գյուղին:

«Եթե,—գրում է Մարքսը,—միջին դարերում ամենուրեք գյուղը քաղաքականապես շահագործում էր քաղաքին, որտեղ դեռ ֆեոդալիզմը չէր խորտակվել քաղաքների շտեմնված զարգացման հետևանքով, ինչպես Ռտալիայում, ապա քաղաքը ամենուրեք, առանց բացառության, շահագործում էր գյուղին տնտեսապես՝ իր մենաշնորհ գներով, իր հարկային սիստեմով, իր ցեխային կարգերով, իր անմիջական վաշխառուական խաբեության մեջ և վաշխառության մեջ»<sup>1</sup>:

Մաղաքներում բնակություն հաստատած առևտրա-արհեստային դասերը համախմբված էին կազմակերպված գիլդիաների և համաքարությունների մեջ: Ոչ միայն քաղաքային շուկաներում, այլև գյուղական վայրերում նրանք հանդես էին գալիս միասնական շահերով՝ անկազմակերպ գյուղական բնակչության հանդեպ, ավելի էժան գնում էին գյուղացու հումույթը, և թանկ գներով վաճառում արհեստային արտադրության արդյունքները: Բոլոր միջոցներով պայքարում էին գյուղում արհեստային արտադրության զարգացման դեմ և նույնիսկ կանգ չէին առնում գյուղական արհեստավորներին ֆիզիկապես ոչնչացնելու ոչ մի միջոցի առաջ: Քաղաքային առևտրա-վաշխառուական դասը, արհեստականորեն բարձրացնում էր ապրանքների գները, զբաղվում էր վաշխառության մեծապես օգտվում էր այն հանգամանքից, որ գյուղացին դեռ տգետ էր և շուկայի հետ թույլ կապված: Բայց այդ բոլորը չէր: Նոր բարձրացող առևտրա-վաշխառուական դասը գյուղացու աշխատանքի մի սասն էլ յուրացնում էր վաշխառության և փոխառության ճանապարհով: «Արտադրության կապիտալիստական եղանակին նախորդող ժամանակաշրջանում,—գրում է Մարքսը,—վաշխառուական կապիտալը գոյություն ուներ նրա համար բնորոշ երկու ձևով... Այս վաշխառությունը ազնվական շոայլդներին՝ առանձնապես հողատերերին տրվող դրամական փոխառության օգնությամբ. երկրորդ՝...մանր արտադրողներին տրվող դրամական փոխառությունների օգնությամբ, որոնց թվին է պատկանում նաև արհեստավորը, սակայն հատկապես գյուղացին»<sup>2</sup>:

Որքան ավելի ու ավելի գյուղը առնվում էր առևտրա-վաշխառուական և դրամա-ապրանքափոխանակության ոլորտում, այնքան ավելի ու ավելի գյուղացին ընկնում էր վաշխառուական կապիտալի ցանցը: Այսպիսով, արտադրողական ուժերի զարգացման և աշխատանքի հասարակական բաժանման հետևանքով ֆեոդալական աշխարհը երկպառակտվեց հողագործական ճորտատիրական գյուղի և արհեստային առևտրական վաշխառական քաղաքի միջև:

Միջնադարյան քաղաքները, ինչպես Արևմտյան Եվրոպայում, այնպես էլ Ռուսաստանում և Հայաստանում հանդիսանում էին տիպիկ ֆեոդալական քաղաքներ և արտացոլում էին միջնադարյան հասարակության դասակարգային բնույթը և ֆեոդալական հասարակարգի առանձնահատկությունները: Միջնադարյան ֆեոդալական քաղաքը հանդիսանում էր

<sup>1</sup> К. Маркс, „Капитал“, т. III, стр. 705.

<sup>2</sup> К. Маркс, „Капитал“, т. III, стр. 525.

Ֆեոդալական հասարակարգի զարգացման հետևանքը, իսկ նրանում ընտելություն հաստատած հասարակական խավերն ու դասերը հանդիսանում էին ֆեոդալական կարգերի զարգացման և խորացման արգասիքը: Հայտնի է, որ ֆեոդալական հասարակարգը բաղկացած էր երկու հիմնական դասերից՝ ֆեոդալ հողատերերից և ճորտ ու կախյալ վիճակում գտնվող գյուղացիներից: Այդ հիմքի վրա էլ ֆեոդալական քաղաքը հիմնականում արտահայտում էր այդ երկու դասերի դասակարգային ու քաղաքական շահերը:

Ֆեոդալական հարաբերությունների զարգացման առաջին աստիճանում ֆեոդալ հողատերը հանդիսանում էր քաղաքի բացարձակ տեր իշխանը, իսկ քաղաքում բնակություն հաստատող դասերը արտադրում էին ֆեոդալի և նրա արքունիքի սպառողական կարիքները բավարարելու համար: Ֆեոդալական հարաբերությունների զարգացման և խորացման հետևանքով, արդեն քաղաքներում հանդես են գալիս այն սաղմերը, որոնք աստիճանաբար տանում էին ֆեոդալական քաղաքի անջատումը գյուղից, որը և հանդիսանում է զարգացած աշխատանքի հասարակական բաժանման հիմքը՝ իրադրծվելով ապրանքափոխանակության ուղիով, մը պրոցես, որն իր մեջ է ամփոփում հասարակության տնտեսական կյանքի ողջ պատմությունը<sup>1</sup>:

Հասկանալի է, որ ֆեոդալական հասարակարգի պատմության առաջին ընթացաշրջանում գյուղի և քաղաքի տնտեսական անջատումը ամբողջապես չի բուխրվում, չի ավարտվում, բայց այն ավելի ու ավելի է խորանում հենց իր ֆեոդալական արտադրական հարաբերությունների հետագա զարգացման պայմաններում: Ֆեոդալական արտադրական հարաբերությունների զարգացման ու խորացման հետևանքով «...տեղի է ունենում աշխատանքի նոր բաժանում երկրագործության և արհեստի միջև, իսկ դրա հետ միասին աշխատանքի արտադրանքի հետզհետե աճող արտադրություն անմիջապես փոխանակության համար, որով և փոխանակությունը առանձին արտադրողների միջև հասարակության համար կենսական անհրաժեշտություն է փոխարկվում... Դադաքակրթությունը ամբապնդում և ուժեղացնում է աշխատանքի իրենից առաջ եղած այս բոլոր բաժանումները, առանձնապես նրանով, որ սրում է հակադրությունները գյուղի և քաղաքի միջև (ընդ որում քաղաքը կարող է տնտեսապես իշխել գյուղի վրա, ինչպես հին դարերում, բայց և գյուղը կարող է իշխել քաղաքի վրա, ինչպես միջին դարերում) և ավելացնում է աշխատանքի մի երրորդ, իրեն առանձնահատուկ, վճռական կարևորություն ունեցող բաժանում. նա մի դասակարգ է ստեղծում, որն այլևս արտադրություն չի գրադվում, այլ գրադվում է միայն արդյունքների փոխանակությամբ—ստեղծում է վաճառականությունը<sup>2</sup>:

Աշխատանքի հասարակական բաժանումը խորացնում է հակադրությունը աշխատանքի զանազան ճյուղերի մեջ, ինչպիսիք են՝ երկրագործությունը, արհեստը, նավագնացությունը և այլն: Վերջին բնակչու-

<sup>1</sup> К. Маркс, „Капитал“, том I, стр. 266.

<sup>2</sup> Ֆ. էնգելս, «Լնտանիքի, մասնավոր սեփականության և պետության ծագումը», Երևան, 1918 թ., էջ 218 (ընդգծումը հեղինակինն է—Ս. Հ.):

թյունն ըստ իր զբաղմունքների, դրում է էնգելսը—բավական հաստատուն խմբերի էր բաժանվում, որոնցից յուրաքանչյուրը մի շարք նոր, ընդհանուր շահեր ունեւ, որոնց համար տեղ չկար տու՜մի և ֆրատրիայի մեջ, հետեաբար, որոնց սպասարկման համար նոր պաշտոններ էին պահանջվում<sup>1</sup>։

Տնտեսական այս հիմքի վրա է, որ դյուզը անջատվում է քաղաքից, սրվում են սոցիալական և դասային սուր հակամարտությունները և հասարակական յուրաքանչյուր խավ ու դաս, հանդես է գալիս իր քաղաքական ուրույն շահերով և ձգտումներով։

Այսպիսով, ֆեոդալական հասարակարգում քաղաքը ունեւ երկակի նշանակություն։ Մի կողմից, մասնավորապես ֆեոդալական հասարակության զարգացման նախնական շրջանում, քաղաքը հանդիսանում էր ֆեոդալական հասարակարգի անբաժանելի մասնիկը, իսկ մյուս կողմից ավելի ուշ շրջանում նույն ֆեոդալական կարգերի քայքայման կարևոր գործոններից մեկը։

Միջնադարյան քաղաքի խրամատները,—գրում է էնգելսը, «...առամային հասարակարգերի բաց զերեզմաններն են, իսկ նրանց աշտարակները արդեն ներս էին ցցվում քաղաքակրթության մեջ»։

Ֆեոդալական հարաբերությունների դարգացման հետևանքով արդեն ֆեոդալական քաղաքը հանգես է գալիս ոչ միայն արհեստային արտադրության և առևտրի կենտրոն, այլ ավելի բարդ սոցիալական ու դասային հարաբերությունների բնակավայր և խաղում է պատմական, տնտեսական ու քաղաքական ակտիվ դեր բնատնտեսության քայքայման, նոր արտադրական հարաբերությունների ձևավորման և երկրի քաղաքական ու տնտեսական անկախության համար մղած պայքարում։ Այս է ֆեոդալական քաղաքի առաջացման, ձևավորման ու զարգացման պատմական ուղին։

Ակադեմիկոս Ն. Մառը մեր պատմագրության մեջ առաջին անգամ գիտական մարքսիստական հունի մեջ գրեց քաղաքների պատմության կնճռոտ հարցը։ Նա ցույց տվեց, որ 10—13-րդ դարերը հանդիսացել են ոչ միայն հայ ժողովրդի քաղաքական կյանքի բուռն վերելքի և վերածննդի շրջան, այլև պատմական այս էպոխայում ազարակները վեր են ածվել ավանների, ավանները գյուղաքաղաքների և քաղաքացյալ վայրերի, իսկ վերջիններս՝ քաղաքների։ Վկայակոչելով Ասողիկի, Հովհ. Դրասխանակերացու, Արիստակես Լաստիվերացու, Մ. Ուռնայեցու և բազմաթիվ այլ պատմիչների վկայությունները, այն լրացնելով և հարստացնելով հնագիտական պեղումների բազմաթիվ տվյալներով, Մառը ցույց տվեց, որ տնտեսական այս վերելքի շրջանում ոչ միայն աճում ու բարգավաճում էին հին հայկական քաղաքները, այլև կառուցվում էին ու առաջ գալիս նոր «աշխարհահալ» ու «տիեզերահալ» քաղաքներ։

Բազմակողմանի կերպով պեղելով Անին, Մառը հանգեց այն եզրակացության, որ Անին Բագրատունիների օրոք քաղաք չէր մեր ժամանակվա հասկացողությամբ, այլ հանդիսանում էր թագադիր ֆեոդալի բերդամրցանձամբ նա և նրա մերձակիցները զարգարում էին արքայանիստ քաղաքը

<sup>1</sup> Ֆ. էնգելս, «Էնտանիքի մասնավոր սեփականության և պետության ծագումը», Երևան, 1948 թ., էջ 130։

<sup>2</sup> Նույն աեգում, էջ 917։

նոր կառուցումներով և մոնումենտալ շինություններով<sup>1</sup> Հետազայում խոշոր հողատիրություն, արհեստային արտադրություն, ներքին և արտաքին առևտրի, դրամական շրջանառություն ու ապրանքափոխանակության զարգացման հետևանքով Մանին, — զրոււմ է Մառը, — դառնում է Արեւելքի և Արեւմուտքի առևտրի և փոխանակության կենտրոնավայր, ժառանգելով ավելի հին, ավելի հայտնի հայկական Դվին քաղաքի ժառանգությունը, դրա հետ է կապված քարվանսարանների և Ախուրյանի վրա տասնյակ զեղեցիկ կամուրջների կառուցումը: Գոյացել կամ թե զոյանում էր ինքնատիպ քաղաքային կյանք քաղաքի ծերերի ղեկավարութեամբ և օրենսդրական իշխանություն՝ քաղաքի սահմաններում: Այնպես որ, Անին շփում է մի կողմից նախարարական էպոխայի, կամ հին Հայաստանի անկախ իշխանությունների և մյուս կողմից հայկական զաղութների առաջացման ու ծավալման ժամանակաշրջանի հետ: Եվ իսկապես, — ամփոփում է մեծ գիտնականը, — բոլորը թեքում է այն բանին, որպեսզի հաստատվի, որ Անին հանդիսանում էր այն հնոցը, որում հայկական ֆեոդալիզմը ղեկավար հայրենիքում փոխակերպվում էր հայկական բուրժուական աշխարհին<sup>2</sup>:

Մեծ գիտնականը բուրժուական աշխարհ ասելով, երբեք էլ չէր հասկանում ժամանակակից կապիտալիստական աշխարհը, այլ գտնում էր, որ ինչպես Անիի, այնպես էլ Հայաստանի մյուս քաղաքների քաղաքային կյանքի բուռն վերելքը անխուսափելիորեն պետք է որ տանելն ղեկի նոր, ավելի առաջավոր հարարերությունների ձևավորմանը, սակայն այդ պրոցեսը խանգարվեց, բեկանվեց ոչ թե երկրի ներքին զարգացման, այլ դրա հաճախակի կրկնվող աշխարհավեր արշավանքների հետևանքով: Հայկական քաղաքային կյանքը, կուլտուրան, արվեստը, գրականությունը, ճարտարապետությունը, ըստ Ն. Մառի՝ նույնպես համապատասխանում էր քաղաքային աշխարհիկ կյանքի զարգացմանը և արտահայտում էր իր կյանքի իդեալները, աշխարհայացքը, ոճն ու ճաշակը:

Քննչպես նշել ենք իր տեղում, — զրոււմ է Մառը, — Անիի ճարտարապետության ծաղկումը 12—13-րդ դարերում կապված է հայերի քաղաքական կյանքի զարգացման հետ. այդ էպոխայի հուշարձանների վրա զրված է քաղաքային բնակչության զեղարվեստական իդեալների կնիքը. նրանց վրա զգացվում է հայկական քաղաքային ճարտարապետության ազդեցությունը: Շիրակավանի տաճարը ֆեոդալական Հայաստանի դավալն է. նրա վրա նկատելի է հայկական ֆեոդալական քաղաքացիական ճարտարապետության ազդեցությունը, նրանում արտացոլված է Հայաստանի թագավորների և իշխանների զեղարվեստական իդեալները<sup>3</sup>:

Քաղաքային կյանքը, դասային և սոցիալական նոր հարարերությունները այնքան ուժեղ ազդեցություն են թողել ճարտարապետության և զեղարվեստական ճաշակի զարգացման վրա, որ երբեմն ճարտարապետական հուշարձանները ծաղկով հայ ժողովրդի սոցիալական կյանքի տարրեր միջավայրում, ավելի քիչ են ցուցաբերում նմանություն ընդհանուր գծեր, քան այն հուշարձանները, որոնք ծաղկել են երկու տարրեր ժողովուրդների՝

<sup>1</sup> Н. Марр, «Ани», стр. 62.

<sup>2</sup> Н. Марр, «Ани», стр. 65—66.

<sup>3</sup> Նույն տեղում, էջ 226:

հայերի և վրացիների սոցիալական միևնույն միջավայրում<sup>1</sup> Քայլ առ քայլ զարգացնելով իր այս դրույթը, Մառը ցույց տվեց, որ սոցիալական միջավայրը դասային հարաբերությունները և դասակարգային սուր հակամարտությունները հանդիսացել են այն հիմնաքաղաքը, որոնք վերջրվեցր<sup>2</sup> պայմանավորել են ոչ միայն երկրի զարգացումը, այլև նրա կուլտուրան, արվեստը, դրականությունը, ճարտարապետությունը և այլն:

Ն. Յա. Մառը առաջինն էր, որ դուրս եկավ հայկական միտումնավոր պատմադրություն այն վտանգավոր կոնցեպցիայի դեմ, որ իրը քաղաքները կառուցել են ֆեոդալները և մեծ իշխանները և ցույց տվեց, որ ներքին առաջացումն ու զարգացումը ավելի բարդ պրոցեսի արդյունք է, քան պատկերացրել են հայ տրադիցիոն պատմադրության ներկայացուցիչները:

Ինչպես միջնադարյան Եվրոպայում, Ռուսաստանում, այնպես էլ Հայաստանում, քաղաքների առաջացումն ու զարգացումն ընթացել է միևնույն ուղիներով: Քաղաքների, արհեստային արտադրության, առևտրի, ֆեոդալական հասարակարգի վարչական և կուլտուրական կենտրոնների պատմությունը բարդ և երկարատև մի պատմություն է և ընդգրկում է պատմական հսկայական ժամանակաշրջան: Քաղաքային կյանքի զարգացման առաջին շրջանում, ինչպես վկայում են մեր մատենագիրները, հանդես են գալիս գյուղաքաղաքներ, քաղաքատիպ ավաններ, քաղաքագյուղեր, որոնք ֆեոդալական հասարակարգի զարգացման գուդրնթաց աճում ու դառնում են իսկական քաղաքներ: Ավելորդ չենք համարում վկայակոչելու մեր մատենագիրների մի շարք տեղեկությունները և ցույց տալու քաղաքների աճման ու զարգացման այդ ուղին:

10—12-րդ դարերում հայ ժողովրդի տնտեսական, քաղաքական և կուլտուրական կյանքում տեղի էին ունենում աչքի ընկնող տեղաշարժեր ու փոփոխություններ: Այդ ընթացաշրջանում արագ թափով աճում և բարգավաճում էին քաղաքները ու քաղաքային կյանքը, սրվում էին դասային և սոցիալական հակամարտությունները: Բազմաթիվ շրջանի պատմիչ Ստեփանոս Տարոնեցին (Ասողիկը) վկայում է, որ Աշոտ Ա-ի (887—890) և Սմբատ Ա-ի (890—913) օրոք Հայոց աշխարհը աճում ու բարգավաճում է: «Իսկ Սմբատ թագաւորեալ՝ տիրէ բոլոր հայրենեաց իւրոց... Ժառանգելով զքաղաքս հակառակորդաց իւրոց: Յաւուրս սորա և յիշխանութեան հօր իւրոյ՝ էր շինութիւն և խաղաղութիւն յաշխարհիս Հայոց... Եւ այսպէս ադարակաց աւանացեալ և աւանաց քաղաքացեալ բազմամարդութեամբ և ընչեղութեամբ...»<sup>3</sup>

Հովհ. Դրասխանակերտցի՛ն նույնպես, ինչպես Ասողիկը, հիմնական տարրերություն է դնում ավանների, գյուղաքաղաքների, քաղաքացյալ ավանների և քաղաքների մեջ: Աշտարակը, Աշտիշատը, Արմարունիքը, Դսղքը և տասնյակ այլ վայրեր նա կոչում է գյուղեր, իսկ Ավանը, Արուճը, Բազարանը, Երազգավորքը, Երեանը, Կողբը, Մրենը, Քարունջը՝ քաղաքագյուղեր:<sup>3</sup>

Նույն պատմիչի վկայությամբ Թալինը, Դառնին կոչվում էին գյու-

<sup>1</sup> Н. Марр, «Анн» стр. 228.

<sup>2</sup> Ստեփանոս Տարոնեցու Պատմութիւն տիեզերական, Պետերբուրգ, 1885 թ., էջ 161:

<sup>3</sup> Սովհաննուկ Կթողիկոսի Դրասխանակերտցու «Պատմութիւն հայոց», Թիֆլիս, 1912 թ. էջ 57, 64, 104, 143, 162, 193, 194, 137, 207, 293, 333 և այլն:

դաքաղաքները<sup>1</sup> Հաճախ պատմիչը գյուղաքաղաքը կոչում է նաև ավան, Այսպես, օրինակ, Բաղարանը, նրա կարծիքով, ավան էր և «քաղաքագյուղ»<sup>2</sup> Պատմիչը հաճախ դաստակերտը կոչում է և գյուղ և քաղաքագյուղ, Եղվարդը և գյուղ էր և դաստակերտ, իսկ Կողբը քաղաքագյուղ էր և դաստակերտ<sup>3</sup> Նույն պատմիչի վկայությամբ Անին, Արտաշատը, Դվինը, Կարինը, Հունարակերտը, Մելիտինեն, Նախճավանը, Սերաստիան, Վաղարշապատը, Վանը, Տիգրանը, Փայտակարանը արդեն դարդաքաղաքներ էին<sup>4</sup>։

Սեբեոսը հիշատակում է, որ Հայաստանում կային հազարավոր գյուղեր, ավաններ, գյուղաքաղաքներ, քաղաքագյուղեր և քաղաքներ։ Նրա կարծիքով Խոռոստը, Կողբը գյուղաքաղաքներ էին, իսկ Եղվարդը, Մրենը քաղաքագյուղեր, Ամիդը, Արտաշատը, Գանձակը, Դվինը, Անդեղը, Կարինը և ուրիշները արդեն քաղաքներ էին<sup>5</sup>։

Նույնիսկ 13-րդ դարի մեր պատմիչներ Կիրակոս Գանձակեցին և Ստեփանոս Օրբելյանը խիստ տարբերություն են դնում գյուղաքաղաքների, ավանների, դաստակերտների, քաղաքագյուղերի և քաղաքների միջև<sup>6</sup>։

Քաղաքների և քաղաքատիպ վայրերի կառուցումը տաժանակիր աշխատանք էր և կատարվում էր հարկադրաբար։ Բարձրերդցու վկայությամբ Հուլավու խանը խորհում է կառուցել քաղաք, որի համար նա «... խորհնցաւ շինել քաղաք, յորմէ պատճառէ տառապեցաւ երկիր՝ մարդ և անասուն փայտս ծանունս ի հեռաստանէ բերելով»<sup>7</sup>։

Այդ նույն վկայությունը մենք գտնում ենք նաև Կիրակոս Գանձակեցու մոտ. «Յաւուրս յայտնիկ սկսաւ մեծն Հուլաւու շինել քաղաք բազմատար և բազմամարդ ի դաշտին Դառնոյ. և եղ հարկս ի վերայ ամենայն հնադանդելոցն բաղմութիւն փայտից բերեալ յամենայն կողմանց ի պէտս շինուածոյ տանց և ապարանից քաղաքին... Դանդի լուծս հարկը եղանց լծէին ի փայտ մի յամենայն կողմանաց և ոչ կարէին շարժել վասն մեծութեան և հաստատութեան փայտիցն և դժուար ճանապարհանցն ընդ զետս և ընդ լերինս, ևւ յանխնայ հարկանելով մեռանէին մարդիկ և յանասունք»<sup>8</sup>։

Քաղաքը ոչ միայն կառուցվում էր տաժանակիր աշխատանքի հետևանքով, այլև վաշխով, քրտինքով և արյամբ։ Արիստակես Հաստիվերտցին հետևյալ բառերով է նկարագրում Անիի իշխող դասերի ցոփ ու ալլապուստիկ վաճակը. «Այլ և ի ճարպոյ անիրաւութեան ի նմա զործելոցն տոչորեցաւ բարձրաշէն և զեղեցկայարմար աւազանքն... Եւ վաշխն և նենդութիւնն որ ի նմա՝ խափանեցաւ Այս է բաժին անիրաւ քաղաքաց, որ շի-

<sup>1</sup> Յովհաննու Կաթողիկոսի Դրասխանակերտեցւոյ, Պատմութիւն հայոց, Թիֆլիս, 1812., էջ 107, 110, 339։

<sup>2</sup> Նույն տեղում, էջ 73, 143, 191, 225, 340։

<sup>3</sup> Նույն տեղում, էջ 83, 91, 95։

<sup>4</sup> Նույն տեղում, էջ 73—78, 186, 214, 231, 308, 331 և այլն։

<sup>5</sup> Սեբեոս, Պատմութիւն ի Հերակլին, Թիֆ. 1912 թ., էջ 36, 104, 116, 120, 122, 163, 288, 273, 274, 147, 289, 311 և 308։

<sup>6</sup> Ստ. Օրբելյան, Պատմութիւն հահանդին Սիսական, Թիֆլիս 1911 թ., էջ 49, 177, 180, 181, հմմտ. Կ. Գանձակեցի «Պատմութիւն Հայոց», էջ 21, 60, 75, 76, 172, 186, 212, 217, 333 և այլք։

<sup>7</sup> Մեծին Վաղարշայ Բարձրերդեցւոյ, Պատմութիւն տիեզերական, Մոսկվա, 1861 թ., էջ 199։

<sup>8</sup> Կ. Գանձակեցի, Նույն տեղում, էջ 380—381։

նեն ղինքեանս արեամբ օտարաց, և ի քրտնաց տնանկաց փարթամութեան, և ի վաշխից և յանիրաւութեանց զտունս իւրեանց ամբացուցանեն, և ինքեանք զմիտս իւրեանց անողորմ ունելով առ աղքատս և տնանկս՝ միայն հեշտութեան փափկութեան սպասենք...<sup>1</sup>

Հասարակական հարկադիր աշխատանքը ֆեոդալական հասարակութեան բնորոշ և առանձնահատուկ գծերից մեկն էր։ Հասարակական աշխատանքի ճորտատիրական կազմակերպությունը, — զրուժ է Լենինը, — խարխուլում էր բոնի կարգադրության վրա, մի բուռն կալվածատերերի կողմից կսղոպտվող և ծաղր ու ծանակի ենթարկվող աշխատավորների ծայրահեղ տգիտություն և խեղճություն պայմաններում<sup>2</sup>։

Այսպիսով, հայկական քաղաքների զարգացման պատմությունը անցել է այն էտապներով, ինչ մյուս երկրների քաղաքները։ Սկզբնական շրջանում նրանք եղել են բերդ-ամրոցներ, իսկ հետագայում արտադրողական ուժերի բուռն վերելքի շրջանում վեր են ածվել իսկական քաղաքներ։

\* \* \*

Ն. Մառի կարծիքով միջնադարյան հայկական քաղաքները բաղկացած էին երեք հիմնական մասերից. ա) միջնաբերդ, բ) շահիրիստան կամ շահաստան և գ) բաց քաղաք։

ա) Միջնաբերդը։ 1907—1908 թ. թ. ընթացքում Ն. Մառը պեղում է Անի քաղաքի միջնաբերդը։ Միջնաբերդի պեղումները Մառին հանգեցրին այն եզրակացության, որ այնտեղ ապրում էր թագավորը, նրա արքունիքը, արքունական զրուժիչան, թագավորազուհիներն ու իշխանազուհիները։ Այդ նույն կարծիքը պաշտպանում են Թ. Թաթամյանը և Հ. Օրբելին։

Երազարտունիների թագավորության համար, — զրուժ է ճարտարապետ Թ. Թաթամյանը, — բավական չէր միայն միջնաբերդի փոքր տարածությունը, այնտեղ հաղիվ բնակություն կուտար արքայական ընտանիքին. անշուշտ արքունի ընտանիքի հետ անմիջական կապ չունեցող թագավորազուհիները և իշխանազուհիները միջնաբերդի պարիսպներեն զուրս բնակություն հաստատեւ էին<sup>3</sup>։

Ինչպես միջնաբերդը, այնպես էլ բուն քաղաքը, շրջապատված էին պարիսպներով։ Ահա մի երկու վկայություն. Սեբեոսը վկայում է, որ երբ 640 թվին արաբները առաջին անգամ արշավեցին և ավերեցին Դվին քաղաքը, «ի բերդն ժողովեցին զամենայն մարդիկ աշխարհին՝ որ եկեալ էին ի կութս ազեստանին»<sup>4</sup>։

Ար. Լաստիվերտցին, նկարագրելով Անի քաղաքի վրա սելջուկ-թուրքերի կատարած արշավանքները, զրուժ է. «Եւ ի սոյն ամի ելին Պարսից զօրքն յանուն Սուլտանայ, բայց ասեն թէ Ապուսուարայ էին. այն որ զԴվին և զԴանձակ ունէր, և էր փեսայ թագաւորին Հայոց Աշոտայ, որք

<sup>1</sup> Ար. Լաստիվերտցի, Պատմութիւն, Վենետիկ, 1844 թ., էջ 111։

<sup>2</sup> Ленин, Собр. соч., изд. 3-е, т. XXIV, стр. 336.

<sup>3</sup> Թ. Թաթամյան, Անի քաղաք թէ ամրոց, էջ 65, հմտ. Հ. Օրբելի—Անույ աւերակները։

<sup>4</sup> Պատմութիւն Սեբեոսի եպիսկոպոսի ի Հերակլն, Թիֆլիս, 1912 թ., էջ 175։

ևլեալ էին յաշխարհն Հայոց: Յորոց հինէ մարդարնակ տեղիքն փախուցեալ ի քաղաքն Անի ժողովեցան, և ոչ ժամանել ամենեցուն ի ներքս մտանել, քանդի երեկոյացաւ ժամն և ածին զգրունս քաղաքին: Վ. Կանճակեցին, նկարագրելով Գարին քաղաքի զրաւումը մոնղոլ-թաթարների կողմից, վկայում է, որ Կարինը նույնպէս ուներ իր միջնաբերդը, որտեղ «... յոյժ րազում ամրոցի» էր ի ժամանակին յայնմիկ, քաղաքն, լցեալ քրիստոնէիւք և տաճկօք, այլ և ամենայն դաւառն անդր հաւաքեալ էր»:<sup>1</sup>

Միջնադարյան քաղաքը ոչ միայն ուներ միջնաբերդ, այլև շրջապատված էր պարիսպներով, փոսերով, ուներ աշտարակներ և զարպասներ: Մառն Անիի պեղումների հետեանքով հայտնաբերել է քաղաքի ութսուն աշտարակ, որոնցից հիսունհինգը զաստիճանով ևն եղել երկշարք: Այդ ութսուն աշտարակների մեջ նա չի հաշվել սուրբ Բրիգոր վանքի չորս, միջնաբերդի չորս և Առտի կողմից հին Անիում կառուցված վեց աշտարակները: Այսպիսով, Անի քաղաքը ունեցել է 94 աշտարակ: Աշտարակներ ունեն Հայաստանի նաև մյուս քաղաքները: Հայկական ՍՍՌ Պետական Մատենադարանի № 4542 ձեռագրում Կարին քաղաքը նկարագրվում է հետևյալ կերպ. Գարինը ... շրջափակեալ խոր փոսիւ անդնդալիւր հաստատոց զհիմունս պարիսպին անտաշ վիմօք խորադունս կրօլ զերեսս անդնդոց փակեաց. և ի վերայ րարձրարեւծ աշտարակս ահադինս շինեաց... զի թէ զայցեն թշնամիք և նեղեացն զքաղաքն և մուտ և ել ոչ տան առնել...»:<sup>2</sup> Քաղաքի մեջտեղում, ձեռագրի հեղինակի վկայությամբ, րարձրանում էին «ապարանք և աշտարակք զեղեցկաշէնք և դրունք քաղաքին րարձրաւեմ և լայնանիստ և կատարեալ պարսպաւ վայելոցս և բուրքն»:

Միջնաբերդեր, պարիսպներ, աշտարակներ, զարպասներ ունեին նաև փոքրասիական քաղաքների մեծ մասը: Վ. Գորդլևսկին իր «Государство селджуков Малой Азии» աշխատության մեջ՝ վկայակոչելով արաբական պատմիչներին, հետևյալ կերպ է նկարագրում փոքրասիական քաղաքները. «Փոքրասիական քաղաքները հատուկ պատշեններով բաժանված էին շրջակայքի բնակավայրերից: Քաղաքները ունեին առանձին զարպասներ, որոնք սովորաբար փակվում էին երեկոները և արտաքին վտանգների ժամանակ: Քաղաքների զարպասները փակվելուց հետո, արգելվում էր ելքն ու մուտքը: Նույնիսկ հեռավոր ճանապարհորդները ստիպված զիջեում էին քաղաքի պարիսպների տակ՝ քաղաքից դուրս: Օտար երևրներից ու քաղաքներից եկած քաղաքացիներին քաղաք էին թողնում բաղձակողմանի ստուղումից հետո: Քաղաքի վարչության ոստիկանական մասի ղեկավարը, յուրաքանչյուր առավոտ, պարտադիր կերպով իր թիկնապահների հետ միասին դուրս էր գալիս քաղաքից, ստուգում էր նրա շրջակայքը, որից հետո միայն քաղաքացիները սկսում էին իրենց առօրյա կյանքը: Այսպես է նկարագրում սելջուկների քաղաքները Բրն ի Բատուտան»:

<sup>1</sup> Գատուութին Արիստակեայ վարդապետի Լաստիվերտցույ, Վենետիկ, 1844 թ., էջ 73:

<sup>2</sup> Կ. Գանձակեցի, «Գատուութին Հայոց», Թիֆլիս, 1910 թ., էջ 264:

<sup>3</sup> Հայկական ՍՍՌ Պետական Մատենադարան, ձեռագիր № 4542, էջ 2ա, 3բ:

<sup>4</sup> Նույն տեղում, էջ 3բ, 4ա:

<sup>5</sup> Гордлевский В., Государство селджуков Малой Азии, Ленинград, 1941 г., стр. 124.

Ակադեմիկոս Վ. Վ. Բարտոլդը իր „Историко-географический обзор Ирана“ աշխատության մեջ, անդրադառնալով պարսկական և միջին ասիական քաղաքների պատմությանը, գրում է. «Պարսկաստանի և Միջին ասիայի քաղաքները բաղկացած էին երեք մասերից՝ կուխենդուղից (միջնաբերդ), շահիրիստանից և ռաբադայից (արվարձան)։ Կուխենդուղի սովորաբար դրսևում էր քաղաքի կենտրոնական մասում։ Շահիրիստանում գտնվում էին կենտրոնական շուկան, խանութները, արհեստանոցները և պահեստները, իսկ շահիրիստանից դուրս դառնում էր նրա արվարձանը— ռաբադան, որտեղ ապրում էին գյուղացիներն ու արհեստավորները»<sup>1</sup>

Ինչպես փոքրասիական, այնպես էլ միջինասիական, պարսկական, ռուսական, եվրոպական և հայկական միջնադարյան քաղաքները իրենց ծագման առաջին էտապում ամենից առաջ հանդիսանում էին բերդ ամրոցներ բառիս լայն իմաստով։

Շատ հետադոտողներ միջնադարյան եվրոպայի քաղաքների առանձնահատկությունը համարում են նրանցում գոյություն ունեցող ամրոցները։ Դադաքը առաջին հերթին ամրացված վայր է։ Որ այդպիսի նշանադրություն է ունեցել ռուսական «քաղաք» տերմինը, այդ է ադադուլը այն, որ հաճախակի նա գործածվել է ամրոց, բերդ նշանակությամբ... Ակադեմիկոս Ն. Ս. Դերժավիցը սլավոնական լեզուներում մասնացույց է անում ռուսական «քաղաք» տերմինի հետևյալ զուգահեռը։ Շվեդականակից չեխական լեզվում hrad տերմինը պահպանվել է իր նախնական նշանակությամբ «ամրոց»։ Այդ նշանակությամբ «քաղաք» տերմինը պահպանվել է լեհական լեզվում որպես grad իսկ ավելի փոքր նշանակություն ունեցող ամրոցը կոչվել է gradek... Նույնիսկ 19-րդ դարի վերջերին և 20-րդ դարի սկզբներին Մոսկվայի կենտրոնական մասը, այսինքն Կրեմլը և Կիտայ-գորոդը ժողովրդական բառապաշարում նշանակում էր «քաղաք»։ «Քաղաք» գնալ, նշանակում էր ուղևորվել Կիտայ-գորոդ»<sup>2</sup>

Այդ նույն իմաստով քաղաք բառը գործածվել է նաև մեկ մոտ շվեդաք բառը,— իր նախնական նշանակությամբ, կոչվել է ամրոց, բերդ, ամրություն... Հետաքրքրական է, որ քաղաքների մայրը կամ մեծ քաղաքը ուներ փոքր քաղաք-ավան, որ կոչվում էր նրա դուստրը»<sup>3</sup>

Դարադաշյանը, վկայակոչելով Սերեոսին Տիգրանակերտի մասին, գրում է. որ Շուկուդուսը (Լուկուլլոսը) հրաման տուաւ բնակչաց Տիգրանակերտի դառնալ ի քաղաքս ծննդեան իւրեանց և այսպէս խափանեցաւ նոր մայրաքաղաքն, որ կիսով չափ միայն շինուած էր և եղև դիւղ աննշան...»<sup>4</sup>

Քաղաք-ամրոցների և ամրացած բերդերի թիվը շատ մեծ էր Հայաստանում։ 10-րդ դարի արաբական աշխարհագիր Իբն-ալ-Ֆակինը իր «Երբք երկրների մասին» աշխատության մեջ նշում է, որ միայն Արաքսի հովտում կար մոտ հազար գյուղ և քաղաք»<sup>5</sup> Արաբական աշխարհագիր Ֆակու-

<sup>1</sup> Бартольд В. В.—Историко-географический обзор Ирана, СПб., 1903 г. стр. 8, 9, 29, 35.

<sup>2</sup> Проф. Тихомиров М. Н.—«Древнерусские города» (см. Ученые записки МГУ, Москва, 1946 г., вып. 99, стр. 226, 227).

<sup>3</sup> Հ. Աճառյան, «Հայերեն արժատական բառարան», հ. 2, էջ՝ 1353—1355:

<sup>4</sup> Դարադաշյան Ա. Մ.—«Բնական պատմության հայոց», Քիֆլիս, 1893 թ. հ. I, էջ 194:

<sup>5</sup> Сборник материалов для описания местностей и племен Кавказа. Сведения арабских писателей о Кавказе, Армении и Азербейджане. Составил Каралов Н. А. Вып. XXXI, 1909 г., стр. 29.

տր իր Վախարհագրական բառարանում՝ վկայակոչելով Իրն-ալ-Ֆակինի վերոհիշյալ աշխատությունը, նշում է, որ Հայաստանում կային 18 հազարից ավելի գյուղեր և քաղաքներ:<sup>1</sup>

Հասկանալի է, որ մատնանշված այդ բաղաժառիգ քաղաքները ղեկ էին ածել ու վերածվել իսկական քաղաքների ժամանակակից իմաստով, այլ նրանց մեծ մասը հանդիսանում էին ամրոց բերդեր, գյուղաքաղաքներ, քաղաքադյուղեր և քաղաքացյալ ավաններ: Աշխատանքի հասարակական բաժանման հետևանքով վերոհիշյալ քաղաք-ամրոցները և քաղաքատիպ վայրերը միայն X—XIII-րդ դարերում աճեցին ու վերածվեցին իսկական քաղաքների: Միջնադարյան հայկական քաղաքները հանդիսացան առևտրի ու արհեստային արտադրության կենտրոնները և նրանց կից առաջացան ու ձևավորվեցին շահրիստանները:

բ) Շահրիստան կամ շառաւստան: Քաղաքային կյանքի բուռն վերելքը նպաստեց շահրիստանի կամ բուռն քաղաքի դարդացմանը, որտեղ սովորաբար գտնվում էին մայր եկեղեցին, կենտրոնական շուկան, արհեստային արտադրության ձեռնարկություններն ու արհեստանոցները, խանութներն ու կրպակները, հյուրանոցներն ու քարվանսարանները, խանապաններն ու պահեստները: Ինչպես միջնաբերդերը, այնպես էլ շահրիստանները շրջապատված էին բարձր պարիսպներով, ունեին իրենց դարպասները, խրամատները, աշտարակները: Սովորաբար շահրիստանում բնակություն էին հաստատում առևտրա-արհեստային դասերը և քաղաքի բնակչության հիմնական մասը: Շահրիստան ունեւր ոչ միայն Անին, այլև Հայաստանի մյուս քաղաքները: Ա. Լաստիվերտցին, տալով Մելիտինե քաղաքի պատմությունը, գրում է. «Կործանումը Մելիտինոյ շահասաան քաղաքի»<sup>2</sup> կամ «Եթէ հրամայեալ է քեզ թաղաւորն տեղի բնակութեան ի Կարին դաւառին յԱրծին աւանի: Եւ ելեալ հայրապետին դայ ի մեծանիստ և ի շահաստան քաղաքիս մեր»...<sup>3</sup> Արծն քաղաքը նույն պատմիչը կոչում է «բաղամարոխ նշանաւոր բոլոր քաղաքներից մեծանիստ և շահաստան»:<sup>4</sup>

№ 4542 ձեռագրի հեղինակը, նկարագրելով Կարինը, գրում է. «Բ մէջ քաղաքին ապարանք և աշտարակք ղեղեցկաշէն և սրբադործս, փողոցք և հրապարակք, սպանդանոցք և վաճառանոցք սրբատեսիլ, եկեղեցիք բազումք և զմբկթահարկք և հրաշալիք տեսնողացն. ի մէջ քաղաքին ի բարձրաւանդակին վայր մթերանոց, բաղամտեսակ շինողեաց, որտեղ նույն հեղինակի վկայությամբ ապրում էին «մեծատունք և աղքատք»<sup>5</sup> Թովմա Արծրունին՝ տալով Աշոտ Բագրատունու հերոսական պայքարի պատմությունը արարների ղեմ, գրում է. «Եւ ոչ ոք գտանէր յամենեին ի կողմանէ թշնամեացն, որ կարէր կալ ընդդեմ նոցա, և ոչ մի ոք. այլ մնացեալքն ի սրոյն փախստական էին յամուրս մայրեացն: Եւ կէսքն հասանէին մինչև ի շառաւստան Բաղէշ, թողեալ անդէն դրուն բանակն»:<sup>6</sup>

<sup>1</sup> Сборник материалов для описания местностей и племен Кавказа, Сведения арабских писателей о Кавказе, Армении и Азербейджане. Составил Караулов Н. А. Вып. XXXI, 1909 г. стр. 29.

<sup>2</sup> Ա. Լաստիվերտցի, «Պատմութիւն», էջ 80:

<sup>3</sup> Նույն տեղում, էջ 43:

<sup>4</sup> Նույն տեղում, էջ 53:

<sup>5</sup> Հայկական ՄԱԽ Պետական Մատենադարան, ձեռագիր № 4542, էջ 3:

<sup>6</sup> Թովմայի վարդապետի Արծրունույ, Պատմութիւն տանն Արծրունու հրքուն, 1887 թ., էջ 110:

Թովմա Արծրունին՝ խոսելով մեծ երկրաշարժի մասին, որ հսկայական փսառ հասցրեց Արարատյան դաշտին, մատնանշում է, որ երկրաշարժից տուժեց «... շաքատաճն Դուին, մարդախիտ պարօպաւոր պատնիշօք պատուարեալ և տուրեառիկ վաճառականութեամբ և աղղի աղղի պղծութեամբ յափրացեալ յղիացեալ՝ զնա ի հիմանց տապալեալ»<sup>1</sup>

Այդ կարգի բաղաժաթիվ վկայութիւններ կան նաև մեր մյուս մատենագիրների մոտ։ Այսպես, օրինակ, Ղազար Փարպեցին շահրիստան է կոչում Իռնավեթը, Նուշապուհը և այլն։

զ) Բաց քաղաքի Բաց քաղաքը միջնադարյան քաղաքի այն մասն էր, որտեղ բնակութիւն էին հաստատում դյուղադիրները և երկրագործութեան հետ կապված արհեստավորական դասերը։ Ինչպես Անին, այնպես էլ Հայաստանի բոլոր քաղաքները, շրջապատված էին մարդագետիներով, այգիներով, մշակելի հողերով, գյուղերով, արոտավայրերով, դաշտերով։ Անիի բնակիչները քաղաքից դուրս ունեին իրենց սեփական տնտեսութիւնը «Ամբողջ հարթավայրը,—գրում է Թորամանյանը,—շուրճի խրամատները լցնելու համար այնտեղ անցնող վտակների պարզեւած առատ ջրերուն, ծածկված է եղել ծառաստաններով և մրգաստաններով... Նույնիսկ այնտեղ կարելի էր դանադանել անհատական սեփականութիւններ՝ իրենց բնակարաններով, պարիսպներով, եկեղեցիներով և գերեզմանոցներով»<sup>2</sup>։ Հողամշակութիւնը ավելի ինտենսիվ դարձնելու համար Անիի աշխարհիկ և հոգևոր ֆեոդալները քաղաքն ու նրա շրջապատը ծածկել էին բաղաժաթիվ ջրանցքներով և առուներով, անցկացրել էին նույնիսկ ջրատար խողովակներ։

Միայն վիմական տարեգրութիւններում հիշատակվում են ջրանցքներ անցկացնելու 15 դեպք։ Դյուղատնտեսութիւնը քաղաքի շրջակայքում այնքան դարգացած է եղել, որ աշխարհիկ ֆեոդալները վանքերին ու եկեղեցիներին, ըստ վիմական տարեգրութիւնների վկայութեան, նվիրել են 186 գանձազին երկիր, հայրենիք, վիճակ, ազարակ, քաղաքագյուղ, գյուղաքաղաք, սեփական վիճակ, 132 այգի և պարտեզ, 48 ջրաղաց։

Միջնադարյան քաղաքները շրջապատված են եղել գյուղերով և ավաններով, այդ մասին մենք արժանաւատ վկայութիւններ ենք գտնում ոչ միայն վիմագիր արձանագրութիւններում, այլև մեր մատենագիրների ու ձեռագիր աղբյուրների մեջ։ Այսպես, օրինակ, Արիսաակես Լաստիվերտցու վկայութեամբ, Անի քաղաքն ուներ իր սեփական գյուղերն ու աղարակները. նույն պատմիչի վկայութեամբ սելջուկ-թուրքերը ոչ միայն պաշարեցին Անին, այլև «որ շուրջ զնուլա գիւղք և ազարակք»<sup>3</sup>։

№ 4542 ձեռագրի հեղինակը հետևյալ կերպ է նկարագրում միջնադարյան հայկական քաղաքը. «Դաղաք որ բարձր է քան դամենայն երկիր և սենի իր թուական գաւառք և աւանք, բերդորայք ի Դ կողմունսն. և իշխօղ է իշխան սորա բաղում տեղաց... բաղում գիւղք և գաւառք, այգեստանօք և մրգաւետ ծառօք դարդարեալ է... ունի և գլուխս լերանցն եայ-

<sup>1</sup> Թովմայի վարդապետի Արծրունույ Պատմութիւն տանն Արծրունեաց, Պետերբուրգ, 1887 թ., էջ 230։

<sup>2</sup> Ղ. Փարպեցի, «Պատմութիւն Հայոց», Թիֆլիս, 1904, էջ 86, 121 և ուր.։

<sup>3</sup> Թ. Թորամանյան, «Անի քաղաք թէ ամրոց», էջ 69։

<sup>4</sup> Ար. Լաստիվերտցի, էջ 84։

լանէր յոյժ խոտաւէտ և ջրարուխ, որք րազում հօաք ոչխարաց և անասնաց ճարակորեալ լինի»<sup>1</sup>

Արդյոք անտեսական, քաղաքական և իրավական ինչպիսի հարաբերութիւններ կային քաղաքների և նրանց շրջապատող գյուղերի, ավանների, աղարակների մեջ, այդ հարցը կարող է հասուել ուսումնասիրութեան: Սակայն մեզ թվում է, որ այդ բաղմաթիւ գյուղերն ու ավանները, աղարակները սպասարկում էին ինչպէս աշխարհիկ, այնպէս էլ հոգևոր ֆեոդալների ու քաղաքի վերնախավի սպառողական բոլոր կարիքները: Դյուզղերում բնակչութիւն հաստատած բնակչութիւնը անտեսական և իրավական կախման մեջ էր գտնվում ոչ միայն ֆեոդալից, վանքերից ու եկեղեցիներից, այլև քաղաքային ավազանուց: Աշխարհիկ և հոգևոր ֆեոդալներին պատկանող «հայրենագին», «դանձագին» դյուզղերի և ավանների բնակիչները իրենց իրավական կացութեամբ հանդիսանում էին ճորտ դյուզղացիներ: Այդ նույն կարծիքն է հայտնել ակադեմիկոս Ն. Մառը: «Խիստ բացառիկ հետաքրքրութիւն են ներկայացնում,— գրում է Մառը,— 1904 թ. պեղումները: Նրանք հարց հարուցեցին չքավոր բնակչութեան բնակարանների մասին և, ինչպէս երևում է, նա սեփականատիրական իրավունք չի ունեցել»<sup>2</sup>

Այդ նույն դրույթը Մառը ավելի պարզ ու որոշակի կերպով դարձացնում է Անիի հետադա պեղումների ժամանակ: «Այդ հայկական տան» բանվոր որդիները, այդ թվում և դյուզղական բնակչութիւնը,— գրում է նա,— չունեն սեփական ոչինչ իրական, որի պաշտպանութեան համար նա պետք է որ դուրս դարձնար դեռ անհայտ զերիշխանութեան դեմ»<sup>3</sup>

Քաղաքային կյանքի, վաշխառուական կապիտալի, ֆեոդալական, վանական և եկեղեցական խոշոր հողատիրութեան դարձացման հետեանքով քաղաքներում և նրա շրջակայքում բնակչութիւնը հաստատող բնակիչները աստիճանաբար դուրս էին քշվում քաղաքների պարիսպներից և բնակչութիւն էին հաստատում քարայրներում քարատներում ու ողորմելի դյուզղերում:

Մառի մեծութիւնը ոչ միայն այն էր, որ նա գիտական հիմքերի վրա դրեց քաղաքի ծագման ու առաջացման պատմութիւնը, այլև այն, որ նա լայն կտավի վրա հանեց քաղաքային դասերի և դասային ու սոցիալական հարաբերութիւնների պատմութիւնը:

\* \* \*

Ն. Մառը ուսումնասիրելով հայկական քաղաքների պատմութիւնը, հանգեց այն եզրակացութեան, որ միջնադարյան հայկական քաղաքներում բնակչութիւն էին հաստատել հետեյալ դասերը.

ա) թաղավորը և խոշոր իշխանները, բ) հոգևորականութիւնը, գ) առևտրական-վաշխառուական դասը, դ) գյուղացիութիւնը, ե) արհեստավորները և վ) այլ բնակիչներ:

Քաղաքը, մեծ գիտնականի կարծիքով, սկզբնական շրջանում հանդիսացել է թաղավորների և իշխող դասերի սեփականութիւնը: Նա ցույց

<sup>1</sup> Հայկական ՍՍՌ Պետական Մատենադարան, ձեռագիր № 4542, էջ 5, 13:

<sup>2</sup> Н. М а р р. „Ани“ стр. 99.

<sup>3</sup> Н. М а р р. „Ани“, стр. 53.

տվեց, որ աշխատավոր ժողովրդի անօրինակ շահագործման հետևանքով, ինչպես սեփական, այնպես էլ օտար իշխող դասերը պատմական այս էպոխայում կուտակել էին զբաղական հսկայական հարստություն և այդ միջոցներով դնում ու վաճառում էին ոչ միայն գյուղեր, այգիներ, կավածքներ, այլև ամբողջ քաղաքներ: «Առաջին անգամ,—գրում է Մառը,—մենք հանդիպում ենք Բագրատունիներին, որոնք Անին դնում են Կամսարականներից իր բոլոր տիրույթներով հանգերձ: Երկրորդ անգամ մենք հանդիպում ենք Անիի գնող Արուս-Սուվարին: Շիրակի գավառի զաամուսթյան մեջ Անիի անցումը նոր տերերին, ուներ սոցիալական մեծ նշանակություն: Բագրատունիները փողի միջոցով ձեռք էին բերում զբաղական հսկայական տիրույթ: Մեզ անհրաժեշտ է իմանալ, թե ինչ ուղիներով են կուտակվում փողային միջոցները այն ժամանակվա եռանդուն մարդկանց ձեռքը... Այդ միջոցները կավածքներից ստացած եկամտի կողքին հանդիսանում էր նաև առևտուրը»<sup>1</sup>

Անդրադառնալով Անիի երկրորդ անգամվա վաճառքին,—մեծ գիտնականը շարունակում է. «Գնելով Անին, Արուս-Սուվարը այն նվիրում է իր տղա Մանուչին: Այս դեպքում մեզ համաս հսկայական հեաաքքություն է ներկայացնում այն փաստը, որ Շեղագյանները ոչ թե նվաճում, այլ գնում են Անին... Շեղագյանները ոչ միայն ռազմիկներ էին, այլև վաճառականներ»<sup>2</sup>

Մառը այս երկու ուշագրավ փաստերի հիման վրա հանգում է այն եզրակացության, որ արդեն Հայաստանում հանդես են դալիս սոցիալական այն նոր խավը, առևտրա-վաշխառուական դասեր, որոնք Հայաստանի տնտեսական և քաղաքական կյանքում խաղում էին արդեն կարևոր ու վրձնական դեր:

«Ակնհայտ է,—եզրափակում է Մառը,—որ տեղի էր ունենում իշխանական և աղնվական կավածքների անցումը խոշոր կապիտալիստների ձեռքը, որի հետ, եթե մրցում էր որեւէ մեկ գաս, ապա բացառապես այդ հոգևոր գասն էր»<sup>3</sup>

Առևտրա-վաշխառուական դասի անտեսական հզորության և քաղաքական դերի մասին մեզ արժանահավատ վկայություններ են աալիս ոչ միայն հնագիտական պեղումները, աղգային մատենագիրները, այլև վիժական տարեգրությունները: Վիժական տարեգրությունների վկայությունների համաձայն 10—13-րդ դարերում նոր բարձրացող առևտրա-վաշխառուական դասը և այդ ոլորտում ներառված աշխարհիկ և հոգևոր Ֆեոդալները իրենց «սեփական» միջոցներով կառուցում, վերանորոգում և զարդարում են ոսկով, արծաթով և թանկագին քարերով՝ 92 եկեղեցի և վանք, կառուցում են 28 ջրաղաց, նվիրաբերում են երեք քաղաք, մեկ ամբողջական գավառ, շորս շրջան, «հոգու փրկության համար» վանքերին ու եկեղեցիներին նվիրում են 186 գանձագին երկիր, հայրենիք, 132 այգի, 19 հաղար 217 կարմիր դուկատ, դրամ սպիտակ, 62 դաշտ, հեծան, խսահարք և արոտավայր, 70 կրպակ, 3 հյուրանոց, 1 ձկնորսարան, հաղարա-

<sup>1</sup> Н. Марр. «Ави», стр. 41.

<sup>2</sup> Նույն աեղում, էջ 59—60:

<sup>3</sup> Նույն աեղում, էջ 63:

վոր կենդանիներ, 36 ջրաղաց, 10 ձիթահան, 9 կամուրջ, հիշատակվում է ոսկու, արծաթի և թանկագին քարերի նվիրման 71 դեպք, մեկ րադնիք, 44 տուն և զոյակ և այլն և այլն:

Հասկանալի է, որ այս նվիրաբերությունները ամբողջական և լրիվ չեն: Հաղարավոր նվիրաբերություններ կամ չեն արձանագրվել կամ թե արձանագրվել են և անհայտ կորել և մեզ չեն հասել: Հարստության կուտակումը հայ աշխարհիկ հոգևոր ֆեոդալների և առևտրա-վաճառական դասի ձեռքում մասսայական երևույթ է միջնադարյան Հայաստանում: Հայ առևտրական-վաճառական դասի կարկառուն ներկայացուցիչ Տիգրան Հոնենցը 1215 թվականին Անիի թողած իր արձանագրության մեջ թվարկում է այն հսկայական «նվերները», որ նա տալիս է իր կողմից կառուցված ու Գրիգոր վանքին: Ավելորդ չենք համարում այդ վկայութ-  
յունը բերել ամբողջապես:

«... Ես Տիգրան... որդի Սմբատաբենց Սուլեմա յազգէ Հոնենցի... շինեցի զճանքս սուրբ Գրիգորեայ... Բմ հալալ գանձով գնեցի... և պարըսպեցի... և զարդարեցի բազում զարդիւք... և պատկերագործ խատերով զարդարեալ ոսկով և արծաթով և ակամբք և մարգարտաւ և կանթեղաւք ոսկի և արծաթի... Եւ բազում զարդաւք, շինեցի զամենայն ցեղ զբնակարան վանականաց և իշխանաց, և կարգեցի ի սմայ քահանայք և ետու հայրենիք... Դաւոթխոնեց զեղին կէսն, Բարստին Ե. դանգն, Մշակունեց կէսն, Կապդուցն կէսն, Յամաքծոյն բոլոր, Խուզան Մահմունդի ի Կարուց յերկիրն, Ուցնդոյ (ու Յընգոյ) Բ դանգն, Խաչորկանն, և փնդուկն ի քաղաքիս, հայրենիք բաղնիսն ու միլն ի մողանիս. խանապարն կուղպակնոյն ու կամարակապ վնդուկն ու մարագն հետ քաղնեցն, տէր Սարդսի ախոռն ու մարագն, զոր գնեցի կալն. և երկու ակն ձիթահանքն և ալոռնի և մարադնի վանիցս ի դռանս վանիցս առջև պահէզն ու լանջն ինչուրվի Դալիձորի դուռն, ինչվի գետն ու Դետեգերն պահէզն, զոր գնել էի և շինել ի Դվնադոանն, կէս ակն ջաղաց, թարփ մի բոլոր, ու մին այլ թարփին շարք աւր, Դալիձորին ջաղաց... Պապենց խանաբարն չորս դանգն ու զոան կուղպակն, բոլոր աներ Հատեցոնց գուկակի, քաղաքիս դռանս բազում հողեր գնած, այդի Ա յԵրեան, այդի Ա յՈշական, այդի Ա Կոշ, էզի Ա յԱրուճ... Այդի Ա ի Մրեն, այդի Ա ի Ծմակին... և այլ բազում զրաւկընած էր, զոր ոչ արձանագրեցի, վանացս էի տվել»<sup>1</sup>

Տիգրան Հոնենցը իր արձանագրության մեջ նշում է, որ նվիրել է բազմաթիվ նվերներ, որոնք չեն արձանագրված: Սակայն Տիգրան Հոնենցը միակը չէր: Դրամական հսկայական հարստություն էին կուտակել ոչ միայն աշխարհիկ, այլև հոգևոր ֆեոդալ առևտրական դասերը:

Մ. Ուռնայեցին իր «Ժամանակագրութիւն» աշխատության մեջ հիշատակում է, որ Տաղրուլ սուլթանը հրամայում է իր զորավարներ Արեւիմին ու Դթլմուշին նվաճել Տոշակաւոր և բաղամարտիս քաղաքն Հայոց, որ կոչի Արծն: Արծում ապրում էր քորեպիսկոպոս Դավթուկն:

Աբրեհիմ և Դթլմուշ զորավարները բռնադրավում են ոչ միայն Դավթուկի հսկայական ոսկին ու արծաթը, այլև նրա շարժական կալքը. «Դանձառունն նորա,— վկայում է Ուռնայեցին,— Արեհիմն էառ և քառասուն ուղտ

<sup>1</sup> Կոստանյան Կ., «Վիճական տարեգիր», Գետերբուրգ, 1913 թ., էջ 58—59:

քարձան գանձատունն նորա, ութ հարիւր վեցկի եղնաց ելանէին ի տանն նորա»<sup>1</sup> Դավթուկը,—ինչպես վկայում է Ուռհայեցին,—ուներ քառասուն ուղտի բեռ ոսկի և արծաթ, իսկ նրա տանից դուրս էր գալիս 4800 եգ՝ դաշտային աշխատանքներ կատարելու համար:

Ահա այդ կարգի մի երկու վկայություններ ևս. Սոփի տիկինը ի՞նչ դեմադ վանքին նվիրում է «Ջերկու գիւղս ի ժառանգութիւն»<sup>2</sup>

Արդեն պատմական այդ ժամանակաշրջանում առևտրի օրեկտ էին դարձրել ոչ միայն գյուղերն ու այգիները, հողերն ու դաշտերը, այլև խանութները, նույնիսկ քաղաքներն ու գավառները:

Այս կարգի հսկայական հարստությունները ձեռք էին բերվում ոչ միայն ժառանգաբար, այլ և վաշխառության միջոցներով:

«...Ես Տիթվասուն... և ամուսինն իմ Ռուսուղան,—կարդում ենք վիճակական տարեգրություններում,—գնեցի իմ հալալ ընչիւքն Ուքանի որդեացէն Անագէթն, Մամխուտն, Բադէնքն, Բերդկայ այդին... և Ճորթուլանց տունն և Աւէտն իւրեանց հայրենիքն գանձադին արարի, և ետու իմ սուրբ նշանիս ընծայ և այլ արդիւնքս առաջնորդ հայր Սիմէոն»<sup>3</sup>

Այս հարստության կուտակման գլխավոր աղբյուրը հանդիսանում էր ոչ միայն վաշխառությունը, այլ հայ ժողովրդի տնտեսական անօրինակ շահագործումը: Ն. Մառը նկատի ունենալով հայ առևտրա-ֆեոդալական և հոգևոր դասերի այս հսկայական հարստությունը, գրում է. «Հայ աշխատավոր բնակչության տնտեսական շահագործման այս անտիթեղը և հարստության կուտակումը սակավաթիվ իշխող դասի ներկայացուցիչների ձեռքում՝ արտացոլում է ֆեոդալական բուն Հայաստանի կյանքը՝ հայ թագավորների Անիում իշխելու վերջին տարիներին և թուրքական ցեղերի ներխուժման նախօրյակին»:

Շարունակելով և զարգացնելով իր այս դրույթը, Մառը մի այլ կապակցությամբ գրում է. «Բավական է հիշատակել, ոչ այնքան անհայտ քորեպիսկոպոս Բավթուկի շարժական և անշարժ գույքը, որպեսզի պարզ կերպով պատկերացվի, թե ինչպիսի անհավատար հարստություն էր կուտակվել իշխող դասերի ձեռքը՝ հայ բնակչության շահագործման հետևանքով»<sup>4</sup>

Արաահայտելով աշխատավոր բնակչության քաղաքական շահերը, կանգնելով այդ շահերի պաշտպանության դիրքերում, ակադ. Մառը եղրափակում է. «Աշխատավոր բնակչությունը պասիվ չմնաց կյանքի այդ անօրինակ հակասության նկատմամբ: Բացի սյուլդացիական շարժումներից, որոնց կյանքի էին կոչում հողային հարաբերությունները, Հայաստանում ծագեցին նաև իդեական-ժողովրդական հուղումներ, գիտակցորեն հակադրվելով պաշտոնական՝ քրիստոնեական «ժողովրդականությանը»<sup>5</sup>

Մառը անարգանքի սյունին է գամում շահագործող դասերի, նրա քա-

<sup>1</sup> Մ տ տ Թ է ո ո Ու ռ հ ա յ ե ջ ի, «Ժամանակագրութիւն», Վաղարշապատ, 1898 թ., էջ 103:

<sup>2</sup> Կ. Կ ո տ ա ն յ ա ն, նույն տեղում, էջ 8:

<sup>3</sup> Նույն տեղում, էջ 11:

<sup>4</sup> Ն. Մ ա ռ, «ԱՌՈՒ», էջ 35:

<sup>5</sup> Նույն տեղում, էջ 56:

<sup>6</sup> Նույն տեղում, էջ 58:

դաքական իգեություններին. նա դուրս եկավ միտումնավոր պատմագրության այն դրույթի դեմ, որ իրր թե Բագրատունիների օրոք բոլոր դասերի համար ստեղծվել էր տնտեսական և քաղաքական զարգացման բարեկեցիկ պայմաններ: «Շիրակում գոյություն ունեցող քաղաքական անկախություն պայմաններում,—գրում է Մառը,—հայ աշխատավոր ժողովրդին բաժին էր ընկել միայն աշխատանք, նյութական զրկանքներ և հոգեկան գորշ կյանք, իսկ ավագանուն և հոգևորականությունը՝ երկրային բոլոր բարիքները: Հոգևորականությունը բնակություն հաստատելով վանքերում, հանդիսանում էր խոշոր հողատեր դաս, ուներ իր անձնական դասային շահախնդրությունը՝ ֆեոդալների հետ հավասար պայմաններում»<sup>1</sup>

Հայ աշխատավոր բնակչության աշխատանքի միջոցներով իշխող դասերը կառուցում էին պալատ-դղյակներ, վարում էին ղեխ ու ճոխ կյանք: Անիում, որտեղ կային այնքան շատ մոնումենտալ կառուցումներ, որտեղ հայ ավանդության համաձայն կար հազար ու մի եկեղեցի, աշխատավոր մասսան, ինչպես ցույց են տվել քաղաքի պեղումները, ապրում էր ողորմելի հյուղերում, քարանձափներում: Ն. Մառը Տիգրան Հոնենցի, Դավթուկի և ուրիշների օրինակի վրա ցույց տվեց, որ հայ առևտրական-վաշխառուական դասի ներկայացուցիչները ոչ միայն կուտակում էին հսկայական հարստություն, շարժական և անշարժ կալք, այլև ձգտում էին նաև քաղաքական իշխանության:

Անի քաղաքի շահագործող դասին ակադ. Մառը հակադրում է չարքաշ և մերկանդամ գյուղական բնակչությանը: 1905 թվականին Անի քաղաքում կատարված դամբանների պեղումները հայտնաբերել են բաղմաթիվ ղեպքեր, երբ մեռածներին թաղել են բոլորովին մերկ: «Այդ դամբանները, ասում է Մառը, ամենայն հավանականությամբ պատկանելիս են եղել ծայրահեղ չքավոր բնակչությանը»<sup>2</sup> Առևտրա-վաշխառության գործունեության, ֆեոդալական խոշոր հողատիրության զարգացման հետևանքով «հասարակ» բնակչությունը դուրս էր քշվում քաղաքի պարիսպներից և բնակություն էր հաստատում քաղաքից դուրս: 1892—1913 թ. թ. ընթացքում ակադ. Ն. Մառը քայլ առ քայլ ուսումնասիրելով Անիի հնագիտական անցյալը, ուսումնասիրելով հայ իշխող դասերի պալատ-դղյակները, 4—8 սենյակներից բաղկացած բնակարանները, նրանց պատկանող պարտեզները, խանութները, բաղնիքները, հյուրանոցները, քարվանսարանները, արհեստանոցները, ցույց տվեց, որ այդ ղեխության ու փարթամության մեջ հայ աշխատավոր ժողովուրդը վարում էր չարքաշ ու տառապյալ կյանք»<sup>3</sup>

Մառի այս դրույթից հետո մենք այլևս չենք կարող համաձայնել Ստեփանոս Տարոնացու և նրան վկայակոչող այն պատմաբանների հետ, որոնց կարծիքով Բագրատունիների օրոք, Հայաստանում տիրում էր խաղաղ ու անդորր կյանք և ժողովրդի նյութական պայմաններն այնքան էին աճել ու բարգավաճել, որ բոլորը իրր թե հագնում էին մետաքսյա հագուստներ և հանգստանում թղենու հովանու տակ:

Մառը իր ամբողջ մեծությամբ դուրս եկավ սոցիալական անարդա-

<sup>1</sup> Ն. Մառ, «Ани», стр. 53—54.

<sup>2</sup> Նույն տեղում, էջ 101, 105, 154, 171:

<sup>3</sup> Նույն տեղում, էջ 120—127, 104—105 և ուրիշներ:

բության դեմ, կանգնեց դասակարգային պայքարի դիրքերում և պաշտպանեց աշխատավոր բնակչության դասային շահերը:

Մեր ազգային մատենագիրները մեզ թողել են բազմաթիվ վկայություններ այն մասին, թե ինչպիսի ծանր պայմաններում էր ապրում հայ աշխատավոր բնակչությունը: Այսպես, օրինակ՝ 7-րդ դարի նշանավոր հեղինակ Հովհան Մայրավանեցին՝ խոսելով հայ առևտրական վաշխառուական դասի մասին, նշում է, որ այդ դասը անխիղճ կերպով ծծում էր շինականի արյունը, ցանքս չանելով բերք էր հավաքում, այն ժամանակ, երբ երկրագործ-մշակը առատութուն, անձրև և լիութուն էր ցանկանում, վաշխառուն երազում էր սովի, ազքատության, պատերազմի և հարածուն շահւթի մասին: Երբ մտածում ես, շարունակում է Մայրավանեցին, աղքատի ու տնանկի մասին, երբ միտք ես բերում նրա տառապանքն ու վիշտը, երբ զգում ես, որ նա քո եղբայրն է և կարիք ունի այն ամենին, ինչ որ դու, մտածում ես, որ նա դժբաղդ կարիքի ու սովի պատճառով թափառում է ամեն տեղ, երբ մտածում ես, որ նա տապից տոչորվում է, ցրտից դողում, որ նրա որովայնը դատարկ է և մարմինը մերկ, մազերը զզգզված, դեմքը թոշնած ու դեղնած, հոգիդ տառապում է ու ձեռքերդ դողում:<sup>1</sup>

Արիստակես Լաստիվերտցին նույնպես վկայում է, որ Կարսը քաղաք էր «յղփացեալ», որ իր հարստութունը կուտակել էր «բազում ընչեղութեամբ և ի ծովէ և ի ցամաքէ», նա քաղաք էր «ողորմք լի»: Անին նա կոչում է քաղաք անիրավ, որը կառուցված էր «արեամբ և վաշխից», նա մի քաղաք էր, որտեղ լի էր վաշխը ու նենգութունը: Ոչ միայն Արիստակես Լաստիվերտցին, այլ և մյուս պատմիչները նկարագրել են Հայաստանի քաղաքների հղփացեալ կյանքը: Այսպես, օրինակ՝ 18-րդ դարի հեղինակ Աբրահամ Կրետացին իր կրոնա-բարոյական քաբոզներով ցանկանում էր ընթերցողին համոզել, որ Անի քաղաքի անկման պատճառը հանդիսացել է քաղաքացիների հակակրոնական և աշխարհիկ այլասեռված կյանքը: Անին, — ասում է նա, — քաղաք էր մեծ և հռչակավոր: Քաղաքի բնակիչները այնքան էին հպարտացել ու հղփացել, որ ոչ ոքի չէին հավանում, ոչ մեծերին, ոչ էլ փոքրերին, յուրաքանչյուրը մտածում էր իր մասին: Բնակիչները նախանձում էին մեկը մյուսին, ձգտում էին պճնվել, զրավել ընկերոջ կայքը «ծուլութիւնն տիրեալ առ ամենեւին, և զրափակում է պատմիչը, զի առանց ազախնեայց և ծառայից ոչ լինէին. և հետիոտս յեկեղեցին ոչ ընթանային. ոմանք դրաստիւ, և այլք ի գրաստէ իջանել ոչ կամէին... Գնային ի թատերս, ի թէատրօնս, և ի ասպարէզս ձիարշաւանադ... Ազահութիւնն ևս քան զևս, և արմատ ամենայն չարեաց արծաթսիրութիւնն. զի այնպէս ազահ էին, մինչ զի զմիմեանց բարիսն յափշտակէին. նա և զորքս և զայրիս զրկէին, զժառանգութիւնն և զհայրենիքն կորզէին, և իւրեանց առնէին... Եվ զամենայն զկահ և զկարասին՝ և զամենայն անօթս և զսարքն, մանաւանդ զզարդս կանանց, և թէ գոյր հնար՝ զամենայն ինչս ոսկոց և սրբեցելոյ առնէին... Որկորստութեամբ ևս առաւելեալք, քանզի երկիրն առատաբեր էր և պարարտ, և նոքա մեծատունք. և օր ըստ օրէ ի խորտկակերութիւնն ջանային, և կեր և ի խում զանազան

<sup>1</sup> Յովհ. Մանգակունւոյ Հայոց հայրապետի, Ճառք, Վենետիկ, 1836թ., էջ 52—53:

ծաղկահոտ գինեաւ, ի առասպելս, և ի խաղս, և ի պարս, ուստի իրրե զազ-  
րիւր րդխէին զախտ պոռնկութեան»<sup>1</sup>:

Մ. Ուռհայեցին նույնպէս նկարագրում է քաղաքի իշխող դասերի  
այլասեռութիւնը՝ ցոփ ու անբարոյական կյանքը: Նրա վկայութեամբ «Յայտմ-  
հետէ ոչ ոք կարասցէ կալ հաստատուն ի հաւատս Երիստոսի և ի պատուի-  
րանսն Աստուծոյ,՝ ոչ հայրապետ և ոչ վարդապետ, ոչ եպիսկոպոս և ոչ  
քահանայ, ոչ արեղայ և ոչ կրօնավոր, ոչ իշխան և ոչ ժողովուրդ. իշխանք  
յարենան ի գողս և յաւաղակս և յափշտակողս, դատաւորք ի կաշառս և  
յանիրաւ դատաստանս. կրօնաւորք թողուն զանապատս և զմենաստանս և  
յաշխարհի զբաղմունս դեգերին և շրջին ընդ փողոցս և ի մէջ կանանց,  
ատեն զաղոթս և թողուն զկարգս կրօնաւորութեան իւրենց, սիրեն զվարս  
աշխարհի... լինին... ծոյլք և դատարկարանք... կամապաշտք, անձնասէրք,  
և ընկերատեաց, շոքմոգք, քսուք, ստախօսք, հպարտք, փառասէրք, անձ-  
նահաճք, ինքնահաւանք, որկորամոլք, դինեսէրք և ցանկասէրք... Այլ և իշ-  
խանք պիղծ և մեծախտիւ, յանդգնեալ և մոլորեալ. հայրապետք և եպիս-  
կոպոսունք և քահանայք և կրօնաւորք արծաթասէրք առաւել քան աստ-  
ուածասէրք... Առաջնորդքն և իշխանքն լինելոց են կաշառասէրք և ստախօսք  
և սուտ երգմունք և ի ձեռս կաշառացն թիւրեն զդատաստանս իւրաւանցն  
աղքատին... Իշխանք և դատաւորք պոռնկասէրք առաւել քան աստուածա-  
սէրք... մեծարեն զմատնիչսն և զգողսն, յափշտակեն անիրաւաբար զաշխա-  
տողաց զինչսն»<sup>2</sup>:

Ներսէս Շնորհալին իր «Թուղթ ընդհանրականի» մեջ նույնպէս տա-  
լիս է հոգեւոր ֆեոդալական դասերի այլասեռութիւն կյանքը, որոնք զբաղ-  
վում են վաշխառութեամբ: Հոգեւորականները, նրա կարծիքով, դարձել են  
«աշխարհասերք», բնակութիւնն են հաստատում գյուղերում և քաղաքնե-  
րում աշխարհականների հետ միասին և զբաղվում ցոփ ու անբարոյական  
կյանքով — առևտրով ու վաշխառութեամբ:

Առևտրական դասը նստած քաղաքի հրապարակներում խարենութեամբ  
գնում և վաճառում է ապրանքներ, խարում է անմեղ զնորդին, մանա-  
վանդ սուտ երգմամբ ու ստախօսութեամբ խարում է ռամիկին և անդե-  
տին<sup>3</sup>: Մխիթար Գոշը, Վարդան Այգեկցին, Ֆրիկը, նույնպէս բողոքում են  
սոցիալական այդ անարդարութեան դեմ: Ահա մի երկու վկայութիւնն էս:

Ձկներին մեղադրում է իրենց թաղավորը, — դրում է Գոշը, — ասե-  
լով, թե ինչու եք ուտում ձկանից մանր կենդանիներին, իսկ նրանք  
պատասխանում են — քեզանից ենք սովորել, որովհետեւ երբ գալիս են քեզ  
երկրպագելու, դու խլում ես նրանց և քեզ կերակուր դարձնում: Վարդան  
Այգեկցին իր առակներում սոցիալական այդ անարդարութիւնը արտահայ-  
տել է ավելի ցայտուն կերպով: Նա գրում է, որ մեծատունները, որոնք  
մշակների ձեռքով կառուցում են իրենց պալատները, մշակում են իրենց  
այգիներն ու դրախտները, ճաշակում են քաղցրահամ պտուղները, ոչ թե

<sup>1</sup> Աբրահամ կաթողիկոսի Կրետացւոյ «Պատմազրութիւն անցիցն իւրոց և Նաւր-Շ-  
հին պարսից», Վաղարշապատ, 1870 թ. էջ 101—103:

<sup>2</sup> Մ. Ուռհայեցի, «Ժամանակագրութիւն», էջ 53—54, 70. հմմտ. Ա. Լաւաի-  
վեբացի, նույն տեղում, էջ 54, Թ. Արծրունի, էջ 230, Կ. Քանձակեցի, էջ 203:

<sup>3</sup> Ն. Շնորհալի, «Թուղթ ընդհանրական», էջմիածին, 1868 թ., էջ 106—107:

<sup>4</sup> Մ. Գոշ, «Առակք», էջ 60:

հիշում են նրա մշակող մշակին, այլ շնորհակալություն են հայտնում տան տիրոջը<sup>1</sup>

Աշխատավորության քրտինքով ապրող մեծամեծներն և թագավորներն նկատմամբ տածված ատելության ավելի ցայտուն օրինակներ մենք գտնում ենք Ֆրիկի մոտ.

«Է՞ր քս հագել դու նասիճ ու նստել գինչ մէկ ի նվին,  
Ճորտերն են կանգնած յառջևդ ղըռավաշ գինին լընուին,  
Տառապեալքն են ի գուռն եկեալ, որ յիւրեանց կըտոր մուրաին»<sup>2</sup>

Ֆրիկը իր երկրորդ շրջանի բանաստեղծությունների մեջ սոցիալական այս բողոքը արտահայտում է ավելի ցայտուն կերպով: Նա ժողովրդի երջանկությունը փնտռում է նրանց առօրյայի, իրական կյանքի և ոչ թե հանդերձյալ աշխարհում:

Նա արտահայտում է իր էպոխայի սոցիալական անհավասարության գաղափարը և տալիս է նյութական ու դասային անհավասարության վառ նկարագիրը.

«Այս ամենայն թող գա անցնի,  
Զոր ասացի վասն իմ ազգի,  
Եւ այս էր բան քո հրամանի,  
Արդար իբրեւ դաաաւորի:  
Մէկն ի պապանց պարոնորդի,  
Մէկն ի հարանց մուրող լինի,  
Մէկին հազար ձի ու ջորի,  
Մէկին ոչ ուլ մի, ոչ մաքի»<sup>3</sup>

Ն. Մառը վկայակոչելով մեր պատմիչների և բանաստեղծների բազմաթիվ վկայությունները, անարգանքի սյունին է գամում հայ իշխող դասերին և նրանց քաղաքական իդեոլոգիան: Ահա Մառի սպանիչ գնահատականը տրված Վարդանին.

«Իր խրատական քարոզներում, որոնք լի են քրիստոնեական ճոռմարանությամբ, այդ քրիստոնեական եկեղեցու վարդապետը չի ամաչում ներշնչելու այն միտքը, որ ստրկությունը անհրաժեշտություն է: «Որդյակ իմ,— ասում է նա,— եթե չծեծես քո ստրուկին, ապա նա կուժեղանա ու կսպանի թագավորին»:

Մառը իր բազմաթիվ աշխատություններում և հատկապես «Ժողովածոյք առակաց Վարդանայ» աշխատության մեջ ցույց տվեց հայ աշխատավոր գյուղացու ճորտական վիճակը և այն հակադրեց իշխող դասերի արտոնյալ և ազատ վիճակին:

Քաղաքից դուրս, նրա շրջակայքում ապրում էր հայ աշխատավոր գյուղացին, որի վրա ընկած էին ոչ միայն ծանր հարկերը, այլ նա էր, որ զենքը ձեռքին պաշտպանում էր իր հայրենիքի անկախությունն ու աշխատությունը: Կիրակոս Գանձակեցին և Ք 2939 ձեռագրի հեղինակը պահպանել են խիստ ուշագրավ վկայություններ այն մասին, որ երբ մոնղոլական

<sup>1</sup> Առաւել Վարդանայ, Գ, 77. ս.

<sup>2</sup> Հայ գրականության պատմություն, գիրք առաջին, Երևան, 1940 թ. էջ 113:

<sup>3</sup> Նույն տեղում, էջ 117:

<sup>4</sup> Ն. Մառ, «ԱՌՈՒ», էջ 54:

խան Չարմաղանը շրջապատում է Անին, և ղեկավարներ ուղարկում քաղաքում առաջարկում է, որպեսզի քաղաքացիները հանձնվեն, քաղաքի գլխավորները չեն համարձակվում պատասխանել ղեկավարներին, իսկ Վամբու քաղաքին և ուսմիկքն սպանեն ղապտգամաւորս<sup>1</sup>։ Մեր պատմիչների վկայության համաձայն 10—11-րդ դարերում գյուղացիական ապստամբություններին մասնակցում էին ոչ միայն գյուղացիները, այլ քաղաքի պլեբեյական տարրերը, որոնք կոչվում էին «նվաղունիք»։ Միջնադարյան հայկական քաղաքներում բռնկված սոցիալական շարժումների մասին, մենք, ջավոք սրտի, համապատասխան վկայություններ չունենք, սակայն մի բան պարզ է, որ ինչպես գյուղացիական մասսաները, այնպես էլ քաղաքի բնակիչները ակտիվորեն մասնակցում էին լուրջ տեսակի սոցիալական շարժումներին, որովհետև նրանց վրա էլ էր ընկած ֆեոդալական հերարխիայի ամբողջ ծանրությունը։ Քաղաքի և շրջակայքի բնակիչները, ինչպես օտար, այնպես էլ շահագործող դասերին տալիս էին մոտավորապես հետևյալ հարկերը — տասանորդ, շալակավոր բաժ, մարդու և անասունի կոռ, շարիաթ, թաստակ, խալե, մրուր, ծուծ, պտուղ։ Հարկեր էին տալիս ոչ միայն գյուղացիները, այլ արհեստավորները, մսագործները, ջաղացպանները, հարկի էին ենթարկվում սուլերը, կամերը, քաշող ուժերը, գյուղացին պարտավոր էր հարկերը վճարել բնամթերքով, իսկ քաղաքային կյանքի զարգացման շրջանում, նաև զրամական ունեւայով։ Ըրամական ունեւան, ինչպես ցույց են տվել մարքսիզմի կլասիկները, հանդես են գալիս այն էպոխայում, երբ զարգանում է ապրանքափոխանակությունը և զրամական շրջանառությունը։ Հայ արհեստավորը և գյուղացին զրամական հարկեր վճարելու համար, միայն տիրոջ թույլտվությամբ, կարող էին մեկնել հարևան կալվածները կամ քաղաքները, և աշխատելով օրավարձով, պետք է վճարեին զրամական հարկեր։ Ապրանքափոխանակության, զրամական շրջանառության և քաղաքային կյանքի զարգացման հետևանքով, ինչպես ցույց է տվել Էնգելսը իր «Գյուղացիական պատերազմները Գերմանիայում» աշխատության մեջ, քաղաքներում ստեղծվում էին երկու կարգի օպոդիցիա՝ պլեբեական և բուրգերական։ Պլեբեական օպոդիցիան, ըստ Էնգելսի, հանդես է գալիս քաղաքների զարգացման առանձին աստիճանում և «բաղկացած էր քայքայված քաղաքացիներից և քաղաքային բնակչության այն մասսայից, որոնք քաղաքացիական իրավունքով չէին օգտվում, այն է՝ արհեստավոր քարզահներից, օրավարձով աշխատողներից և լյութական պրոլետարիատի այն բաղաժնիվ սաղմերից, որոնք հանդես են գալիս դեռ քաղաքների զարգացման արդեն ստորին աստիճանի վրա»<sup>2</sup>։

Քաղաքային պլեբեական օպոդիցիայի հանդես գալով և նրա ակտիվ մասնակցությամբ, գյուղացիական շարժումներին տրվում էր համեմատաբար ավելի կազմակերպված բնույթ։ Մառը զուրս գալով հայ կղերական և բուրժուական պատմադրության դեմ, ցույց տվեց, որ միջնադարյան հայկական քաղաքներում նույնպես հանդես էր եկել պլեբեական օպոդիցիան և միջնադարյան քաղաքը դարձել էր արհեստային արտադրության և համ-

<sup>1</sup> Կ. Գ ա ն ձ ա կ ե ց ի, նույն տեղում էջ 244—245 հմտ. ձեռագիր № 29—39, էջ 980 ա—981 բ։

<sup>2</sup> Ֆ. Է ն գ է լ ս, «Գյուղացիական պատերազմները Գերմանիայում», Երևան, 1940 թ. էջ 60։

քարուքարյան կենտրոն: Անդրկովկասում և Հայաստանում միջին դարերում համաքարությունների գոյության փաստը մատնանիշ է արել Մառը դեռ 1915 թ. իր «Кавказский культурный мир и Армения» աշխատության մեջ: Այդ աշխատության մեջ նա ապացուցեց, որ Հայաստանում արհեստային արտադրությունը նույնպես ժառանգական էր, որ արհեստավորները ընտրում էին իրենց ավագներին, ունեին իրենց վարչությունները և արհեստավորական եղբայրական կազմակերպությունները, որոնք հետագայում աճելով, վեր էին ածվում համաքարությունների:

Ինչպես միջնադարյան Նվրդպայում, այնպես էլ մեզ մոտ՝ Հայաստանում, աշխատանքի հասարակական բաժանումը տարավ առևտրի, հողագործության և արհեստի անջատմանը, նպաստեց քաղաքային կյանքի և արհեստային արտադրության զարգացմանը: Ֆեոդալական հասարակության զարգացման առաջին աստիճանում արհեստային արտադրությունը զարգանում էր ֆեոդալ կալվածատիրոջ կալվածքի սահմաններում և սպասարկում էր նրա սպառողական պահանջները: Հետագայում առևտրական կապերի ու շուկայական հարաբերությունների զարգացման հետևանքով, արհեստային արտադրությունը դուրս է գալիս այդ նեղ ու սահմանափակ շրջանակներից և կապվում է ինչպես ներքին, այնպես էլ արտաքին շուկաների հետ: Այս պայմաններում նույնիսկ ֆեոդալ իշխանը արհեստավորին թույլ է առնում փոխադրվելու մի վայրից մեկը, զրադվելու արհեստային արտադրությամբ և վճարելու բահրա: Այս շրջանում արհեստավորական ներքին կազմակերպությունները գեո իրենց վրա կրում էին ֆեոդալական հասարակարգի դրոշմը:

«Միջնադարյան քաղաքներում,— գրում է Մարքսը,— չկա աշխատանքի հասարակական բաժանում առանձին ցեխերի ներսում, առանձին բանվորների մեջ: Յուրաքանչյուր բանվոր պետք է գետենա մի շարք մասնագիտություններ... հողագործության, անասնապահության և առանձին քաղաքների թույլ կապերը, քաղաքային բնակչության պակասը և նրա պահանջի սահմանափակվածությունը խանգարում էին աշխատանքի հետագա և ավելի խորը բաժանմանը: Դրա համար էլ յուրաքանչյուր ոք, ով ցանկանում էր վարպետ դառնալ, պետք է տիրապետեր իր արհեստի բոլոր գաղտնիքները»<sup>1</sup>:

Միջնադարյան հայկական քաղաքներում նույնպես արհեստավորը տիրապետում էր մի շարք արհեստներին: Մառը առաջինը մեր պատմագրության մեջ ցույց տվեց, որ 10—13-րդ դարերում Հայաստանի քաղաքներում վանքերին և եկեղեցիներին կից կային բազմաթիվ «գործատներ»: Հայաստանում այս շրջանում զարգացած էր մասնագործությունը, մետաղագործությունը, ոսկերչությունը, կավագործությունը, արծաթագործությունը, զինագործությունը և այլ արհեստներ: Հայաստանի քաղաքներում գոյություն ունեւ մոտ 48 զանազան տեսակի արհեստներ: Հայաստանի այնպիսի քաղաքներում, ինչպիսիք էին Անին, Դվինը, Արծնը, Կարսը, Կաշինը, կային արհեստային արտադրության տարբեր թաղամասեր, որոնք յուրաքանչյուրն ունեին իրենց առանձին համաքարական կազմակերպությունները:

<sup>1</sup> Маркс и Энгельс., «Архив», т. I, стр. 235—236.

Արհեստային արտադրության առաջնությունը բուն վերելքի մասին են խոսում նաև մեր ազգային մատենագիրները: Մխիթար Գոշը իր «Դասաստանագրքում» արդեն խոսում է արհեստավոր քաղաքացիների մասին: Քաղաքներում կային հյուսններ, դարբիններ, կաշեգործներ, դերձակներ, պղնձագործներ, երկաթագործներ, ոսկերիչներ, մորթագործներ, բրուտներ, կոշկակարներ, շինարար արհեստավոր վարպետներ, որմնագիրներ, տակառագործներ և այլն:

Արհեստային արտադրության յուրաքանչյուր ճյուղ, տեղավորված էր քաղաքի առանձին թաղամասերում, ուներ իր շուկան, պահեստները, արհեստանոցները և ապրանքավաճառության առանձին վայրերը: Արհեստային արտադրության զրադվում էին ոչ միայն արհեստավորները, այլև գյուղացիները, հատկապես զաշտային աշխատանք վերջացնելուց հետո: Հաճախակի են դեպքերը, երբ արհեստավորը իրեն ավելի բարձր էր դասում, քան թաղավորը և իշխանները: Մխիթար Գոշը իր առակներից մեկում պատմում է, որ արհեստավորը գիմելով իր որդուն, ասում է. «Թագաւոր ենք արուեստիւն»<sup>1</sup>

Հայաստանի քաղաքներում արհեստային արտադրությունն այնքան էր զարգացած, որ տարբեր ճյուղի պատկանող վարպետները նույնիսկ ունեին իրենց ենթավարպետները — աշակերտները:

12—13-րդ դարերում միայն Անի քաղաքում հիշատակվում է արհեստային արտադրության 38 տեսակներ: Օրինակ՝ հիշատակվում է, որ Անիում կար «զղակ կարողաց թաղ», «սառա՞ թաղ», (ոսկերչություն), «կոշկակարանոց», «դարբնոց», «նալքանդանոց», «բաղադոց թաղ» (վաճառականներ): Բնչպես քաղաքի բնակիչները, այնպես էլ արհեստավորները օգտվում էին քաղաքացիական ավելի լայն իրավունքներով և արտոնություններով, քան գյուղական բնակիչները: Սկսած 5-րդ դարից, մեր պատմիչները վկայում են այն մասին, որ քաղաքային բնակիչները իրենց սոցիալական կացության մասին, կանգնած են ավելի բարձր աստիճանի վրա, քան ռամիկները ու շինականները: Քաղաքային բնակչության արտոնյալ վիճակի մասին Մովսես Խորենացին տալիս է հետևյալ ուշագրավ վկայությունը: Վաղարշ Թաղավորը «հրաման տայ՝ և քաղաքացեաց, մարդկան արդոյ և պատիւ լինել առաւել քան զգեղջկաց. և զգեղջկաց պատուել զքաղաքացիս որպէս զիշխանս»<sup>2</sup>

10-րդ դարի պատմիչ Հովհաննես կաթողիկոս Դրասխանակերտցին խոսելով Ջվարթնոց եկեղեցու կառուցման մասին, հաղորդում է, որ նեոսես կաթողիկոսը, «կարգեալ կացուցանէր ի նմա ամբոխութիւնս երդում արդաց ըստ պայմանի քաղաքականաց»<sup>3</sup>

Ն. Շնորհալին իր «Թուղթ ընդհանրականում» խորհուրդ է տալիս քաղաքային դասին չարհամարհել շինականներին<sup>4</sup>

<sup>1</sup> Մ. Գոշ, «Առակք», էջ 131:

<sup>2</sup> Մ. Խորենացի, «Պատմութիւն Հայոց», Թիֆլիս, 1913 թ., էջ 117—118:

<sup>3</sup> «Յովհաննէս կաթողիկոս «Պատմութիւն Հայոց», Թիֆլիս, 1912 թ., էջ 88:

<sup>4</sup> Ն. Շնորհալի, «Նույն անդում», էջ 106—107:

Մառի մեծութունն այն է, որ նա ոչ միայն ցույց ապեց արհեստային արտադրության գոյության փաստը, այլև ապացուցեց, որ միջնադարյան Հայաստանում գոյություն են ունեցել համաքարային կաղմակերպություններ: Ավելին, Նա ցույց տվեց, որ արհեստային արտադրության գերազանց մասը տեղական հայկական ծագում ունեին:

\* \* \*

Մառի հետադոտությունները մեզ կովաններ են տալիս մոտավոր կերպով ուրվագծելու միջնադարյան քաղաքների պետական և վարչական կարգերը:

Քաղաքները, ըստ Ն. Մառի, պատկանում էին թագավորներին և իշխաններին: «Բազմաթիվների թագավորության անկումից հետո էլ, — գրում է Մառը, — Հայաստանի և Վրաստանի քաղաքների նկատմամբ ընդհանրապես, և Անիի վերաբերյալ մասնավորապես... դեռ շարունակվում էր երկար ժամանակ նայվել որպես մասնավոր սեփականատիրական տիրույթի: Այսպես, օրինակ, Թամարա թագուհին զանազան քաղաքներ է տալիս քաջարի ռազմիկներին՝ որպես սեփականություն կամ թե օգտվելու նրա եկամուտների մի մասից... Քաղաքներում նստելը, հիմա կապված էր ոչ միայն պատվի, այլև նյութական շահերի հետ. բայց կամաց կամաց նյութական հարստության աղբյուրը և նրան հաջորդող իշխանությունն ու իրավունքը ռազմական քաջության հետ միաժամանակ հանդիսանում էր խաղաղ առևտուրը»<sup>1</sup>:

Աշխարհիկ և հոգևոր տերերը ոչ միայն ունեին սեփական գյուղեր, հայրենիք, վիճակ, այլ նույնիսկ սեփական քաղաքներ: Ստեփաննոս Օրբելյանի վկայությամբ, միայն Տաթևի վանքը ուներ 677 հարկատու գյուղեր<sup>2</sup>:

Սյունյաց եպիսկոպոսական թեմից իր հսկայական հարստությամբ հետ չէր մնում Սանահնի վանքը: Նրա կալվածքները տարածվում էին «մինչև ի սահմանս Բաղարաց աշխարհի, մինչև սահմանս Վրաց և Տփղսաց և ի սահմանս Նիզ գաւառին, մինչև ի սահմանս Կարնոյ, և ի սահմանս Ծաղկացած, մինչ ի սահմանս տան Շիրակայ»<sup>3</sup>:

Աշխարհիկ և հոգևոր ֆեոդալները՝ կուտակելով անչափ հարստություն, ձգտում էին նաև քաղաքական իշխանության, ձգտում էին իրենց ենթարկելու քաղաքային վարչությունը և կառավարչական ապարատը: Քաղաքային վարչական ապարատի գլուխ կանգնած էր իշխանը, տերը, տուկը, պարոնը կամ ամիրը: Վարչական բարձրագույն օրգանը մեզ մոտ կոչվում էր ծերերի խորհուրդը կամ երիցանի:

Պետական կարևոր հարցերը երկրի ներքին և արտաքին քաղաքականության խնդիրները լուծելու համար, հաճախակի հրավիրվում էին քաղաքի աղատ քնակիչների ժողով. ժողովի որոշումները կյանքում իրագործե-

<sup>1</sup> Н. М а р р, „Ани“ стр. 73.

<sup>2</sup> Ստ. Օրբելյան, «Պատմություն...», էջ 500—523:

<sup>3</sup> Հայկական ՍՍՌ Պետական Մասնագրան, Հեռագիր № 3031, էջ 46—53:

լու համար կային գործակալներ, պետական պաշտոնյաներ, քաղաքներում գոյություն ունեւ հարկահավաքների և հարկերի ու մաքսերի կարգավորող առանձին ինստիտուտ, որի պաշտոնյաները կոչվում էին ձեռնավորներ, շահնաներ, մութսիպներ կամ մույսիպներ: Քաղաքներում կային իշխանական դրոժինաներ, որոնք ոչ միայն պաշտպանում էին իշխանի անձը, նրա արքունիքը, այլև մասնակցում էին պատերազմական արշավանքներին և պայքարում էին սոցիալական շարժումների դեմ: Անկասկած է, որ միջնադարյան քաղաքում գոյություն ունեւ նաև ոստիկանական օրգան, որը հսկում ու կարգավորում էր քաղաքի ներքին կյանքը: Քաղաքին ենթակա շրջաններն ու գավառները կառավարվում էին առանձին կողմնապահների և տեսուչների միջոցով: Քաղաքի, ինչպես նաև երկրի բացարձակ իրավական տերը հանդիսանում էր թագավորը: Իշխանություն մեջ թագավորից հետո, երկրորդ մարդը կոչվում էր իշխանաց իշխան: Նա թագավորի տեղակալն էր և երկրի ու քաղաքի կառավարչական օրգանների ղեկավարը: Նա էր պատասխանատու թագավորների վասալների բոլոր գործողությունների համար: Նրան էին ենթակա արքունական կալվածները և պետական գանձարանը: Նրան էին ենթակա քաղաքի և շրջանի կառավարիչները: Նա էր նշանակում ու հանում կառավարիչներին ու բերդապահներին: Նա էր առաջնորդում պետական բանակը և թագավորական դրոժինան: Նրան էին ենթակա, վերջապես, բաղամթիվ ձեռնավորները, որոնց օգնությամբ նա կառավարում էր ամբողջ երկիրը: Մ. Ուռհայեցին վկայում է, որ երբ 1086—1087 թ.թ. Փիլիպոս իշխանը հսկայական նվերներով մեկնում է սելջուկների մոտ, նրա ղեսպանությունը մասնակցում էին նաև «իշխանք քաղաքին»: Երբ Բուղան մեծ բանակով արշավում է Ուռհայ քաղաքի վրա, նրա դեմ են դուրս գալիս «իշխանքն քաղաքացեաց»:

1096—1097 թ.թ. Խլիճ սուլթանը արշավում է Մելիտինե քաղաքի վրա «իշխան քաղաքին որ ասէին Խօրիլ... ամենայն քաջութեամբ կացեալ ընդդէմ սուլթանին...»<sup>1</sup>:

Սիջնադարյան հայկական քաղաքները ունեցել են իրենց կառավարիչները, որոնք կոչվել են տերեր: Նույն պատմիչի վկայությամբ «տեր քաղաքիս կարգյալ յարքային տեսուչ և կողմնապահս»:<sup>2</sup>

Ա. Լաստիվերտցին խոսելով Դվին քաղաքի մասին, գրում է. «Իսկ Ապուստոհար տէր քաղաքին պատերազմ տուեալ ընդ նմա...»<sup>3</sup>

Քաղաքի իշխանի պաշտոնը գրավելու համար կատաղի պայքար էր զնում տերերի և տուկերի միջև: Ահա այս կարգի վկայություն ևս. «Ոմն ի մեծամեծաց քաղաքին,—կարդում ենք Ուռհայեցու մոտ,—ջանալ առնուլ տուկութեանն դաթոոս»:<sup>4</sup>

Գիրակոս Գանձակեցին նույնպես վկայում է, որ քաղաքը ունեւ իր գլխավորները:<sup>5</sup>

Վ. Բարձրբերդցին՝ խոսելով Անի քաղաքի տիրոջ մասին, գրում է.

<sup>1</sup> Մ. Ուռհայեցի, նույն տեղում, էջ 252, հմմտ. Բարձրբերդցի, էջ 146:

<sup>2</sup> Մ. Ուռհայեցու ժամանակագրութիւն, Նրոստղեմ, 1869 թ., էջ 524:

<sup>3</sup> Ար. Լաստիվերտցի, նույն տեղում, էջ 43:

<sup>4</sup> Մ. Ուռհայեցի, նույն տեղում, էջ 268—269:

<sup>5</sup> Կ. Գանձակեցի, նույն տեղում, էջ 244:

«Վասն որոյ ի նոյն աւուրս և ի նոյն սեռսգին սրտակտոր լեալ՝ մեռաւ հայրն Շահնշահ կոչեցեալ, իբրեւ տէր մայրաքաղաքին Անույ»<sup>1</sup>

Ոչ միայն Անին, Դվինը, Գանձակը, այլև Հայաստանի բոլոր քաղաքներն ունեին իրենց տերերը: Ահա այդ կարգի մի երկու օրինակ ևս:

«Եւ զաթոռն իւր յաւազ որդին տայր ի Մահմուտին. և զկրտսերն զՍելիք, զնէր տէր Գանձակայ Հայոց»<sup>2</sup>

«Ի հինգ հարիւր քառասուն և ինն թուին Գանըշման տէրն Սեբաստիոյ... եկեալ ի վերայ Ելտինոյ»<sup>3</sup>

Քաղաքի տերերից հետո քաղաքի վարչական բարձրագույն օրգանը համարվում էր ավագների կամ տերերի խորհուրդը, որը պատմական աղբյուրներում հաճախ կոչվում էր ավագանի կամ երիցանի: Քաղաքի իշխող դասերը կազմակերպում էին քաղաքային յուրահատուկ վարչություն, քաղաքի արտաքին և ներքին հարցերը լուծելու համար: Մառը վկայակոչելով Արիստակես Լաստիվերտցու և մյուս պատմիչների վկայութիւնները, ցույց տվեց, որ հայկական միջնադարյան քաղաքներն ունեցել են իրենց վարչական օրգանները «ծերք քաղաքին»: Վրաց Եպիփան կաթողիկոսը Անիում թողած վրացերեն իր արձանագրութեան մեջ պահանջում է, որ հողերը դասերը բարեխղճորեն ծառայեն ժողովրդին, իսկ ժողովուրդն իր հերթին հողա նրանց կարիքները: Այդ արձանագրութեան վերջում հայերեն բառերով կա հետևյալ վկայութիւնը. «Թվ. ՈԿԵ (1216 թ.) ես տէր Դրիգոր իր(իցապետ) և եպիս(կո)պոս. ես Վահրամ ամիրիա քաղաքիս վկայենք, որ կաթողիկոսին հրամանք եղ...»<sup>4</sup>

Մ. Դոշը իր առակներից մեկում խոսելով արհեստավորների մեջ ծաղած վեճերի մասին, ցույց է տալիս, որ այդ վեճերը լուծում էր տերերի ատյանը:

«Պղնձադործ և երկաթադործ ի խնամենալն արուեստիւ ճոխարանէին և ի լինել հակառակութեանն, յատեան եւ երթային ծերոց...»<sup>5</sup>

Այս ուշադրավ վկայութիւնները խոսում են այն մասին, որ առանց քաղաքի երիցանիի հաստատման և ոչ մի հրաման հրապարակվել չէր կարող: Այդ վկայութիւնը ցույց է տալիս, որ երիցանին հանդիսանում է քաղաքի վարչական բարձրագույն օրգանը: Բացի Վրաց Եպիփան կաթողիկոսի ուշադրավ վկայութիւնից, այդ կարգի վկայութիւններ մենք գտնում ենք Նույնպես Լաստիվերտցու, Ստ. Օրբելյանի և մյուս պատմիչների մոտ: Արիստակես Լաստիվերտցին շարադրելով Անի քաղաքի պատմութիւնը, հիշատակում է, որ «Քաղաքացի զլիսավորքն... նստէին յԱնի»<sup>6</sup>

Նույն պատմիչի վկայութեամբ. «Որ յառաջ ցուցաւ Դանիէլի ի տեսողութեան իւրում, և կոչեալ զզլիսաւորս քաղաքին, և մեծամեծս յիշխանացն, ասէ ցնոսա: Թէ ոք ի ձէնջ վստահանայ ելանել զօրօք յարեւելս,

<sup>1</sup> Վ. Բարձրբերդցի, Նույն տեղում էջ 201:

<sup>2</sup> Վ. Բարձրբերդցի, Նույն տեղում, էջ 155—156:

<sup>3</sup> Նույն տեղում, էջ 148: Հմմտ. Ա. Լաստիվերտցի, Նույն տեղ, էջ 43:

<sup>4</sup> Н. Марр. «Надпись Епифиния, католикоса Грузии (ИИАН, СПб, 1910г. հմմտ. նաև Հ. Օրբելի «Անու աւերակներն», էջ 57:

<sup>5</sup> Մ. Գոշ, «Առակք», էջ 134:

<sup>6</sup> Ար. Լաստիվերտցի, Նույն տեղում, էջ 24, 25, 38, 42, 43, 78—79 և ուրիշ:

և դադարեցուցանել զգոռն Պարսից»,<sup>1</sup> իսկ աշխատության մի այլ մասում նա ուղղակի գրում է... «Եկեալ առաջի զլիաւորք քաղաքին՝ խնդրեն, թէ մինչդեռ կենդանի ես, կացո զոք թագաւոր, որպէսզի փաստէ առանց խոռվութեան քաղաքս»:<sup>2</sup>

Այս վերջին վկայութիւնը խոսում է այն մասին, որ քաղաքի գրվաւորները նույնիսկ կարող են ստիպւել թագաւորին, որ նա չհրաժարվի գահից, որ նա իրենց հետ կառավարի երկիրը, իսկ այս խոսում է այն մասին, որ քաղաքի գրվաւորները այս կամ այն չափով սահմանափակում են նաեւ թագաւորի իշխանութիւնը: Ստեփանոս Օրբելյանը նույնպէս վկայում է, որ քաղաքներն ունէին «ամենայն գլխաւորք և աղատք...»:<sup>3</sup>

Քաջի քաղաքների գրվաւորներէից, ավագներից և իրիցանուց, վիճական տարեգրութիւնները հաճախակի արձանագրում են, որ քաղաքներն ունենին իրենց տաղմաչիները, որոնք հաւաքում էին առևտրական մաքսերը և հարկերը: Անիում թողած վիճական արձանագրութիւնում հիշատակվում է նաեւ «Մութսիպ» կամ «Մուսաիպ» տերմինը, որը, Մառի կարծիքով, առևտրի, շուկաների, կշեռքների և չափերի հսկիչն էր ու հաւաքում էր քաղաքային հարկերը: Ալիշանը իր «Շիրակ»-ում նույնպէս խոսում է այն մասին, որ Անին ունէր իր տաղմաչը, մուսաիպը, որը չափերի և կշեռքների հսկիչն էր:

Վարչական այս օրգանների գոյության մասին վկայում է նաեւ Գունդըստարը իր «Դատաստանագրքում»: «Պարտ է գիտենալ,—գրում է նա,— որ զվաճառացն և զբազրնոյն սահմանն ի քաղաք և ի դուրս՝ պարոնութիւնն սահմանէ. զիրաւունքին զչափին և զկշիռն և զայլն յայսպիսեանց և դուքսերն Մութսիպին ի վերայ այսր սուսելով ըզորդ պահեն»:<sup>4</sup>

Մխիթար Գոշը իր «Դատաստանագրքում» չափի և կշիռի զեղծութիւնների համար սահմանում է հատուկ պատիժ:

Քաղաքի կյանքում վճռական դեր էր խաղում քաղաքային ժողովը: Այդ մասին մի ուշագրավ վկայութիւն ենք գտնում Մ. Ուռնայեցու մոտ. «Եւ եղև մեծ ժողով ի քաղաքին յԱնի, խպիսկոպոսաց, հայրապետաց, կրօնաւորաց, վարդապետաց, ազատաց և իշխանաց... որ էր զլուխ ժողովոյն ծերունին Յովսէփ կաթուղիկոսն...»:<sup>5</sup>

Ինչպէս նկատելի է, քաղաքի ժողովներին մասնակցում էին միայն քաղաքի ազատ դասերի ներկայացուցիչները: Այդ ժողովները մեզ հիշեցնում էին ռուսական միջնադարյան քաղաքներում գործող վեչեններին: Հայտնի է, որ ռուսական քաղաքներում վեչին նույնպէս քաղաքի ազատ բնակչության ժողովն էր, որին մասնակցելու իրավունք չունէին ստրուկները, գյուղացիները, կանայք և երեխաները: Քաղաքներում գումարված ժողովները վճռական գործոն էին քաղաքային կյանքում: Նրանք շատ հաճախ նույնիսկ սահմանափակում էին իշխանի քաղաքական իրավունքները:

<sup>1</sup> Ար. Լաստիվերտցի, *Նույն աեղում*, էջ 78:

<sup>2</sup> *Նույն աեղում*, էջ 80:

<sup>3</sup> Ստ. Օրբելյան, *Նույն աեղում*, էջ 302:

<sup>4</sup> Ալիշան, «Շիրակ», էջ 101:

<sup>5</sup> Ս. Գունդոստար, «Դատաստանագրք», էջմեաթն, 1918 թ. էջ, 63:

<sup>6</sup> Մ. Ուռնայեցի, *Նույն աեղում*, էջ 77:



9-րդ դարը, ինչպես դեղեղիկ կերպով բնորոշել է Ծերենցը, Հայաստանի համար հանդիսանում էր ծանր երկունքի ժամանակաշրջան: Այդ պայմաններում առաջանում է Բագրատունեաց հզոր թագավորությունը, որը երկարատև ու դաժան պայքար է ծավալում սկզբնական շրջանում խալիֆաթի ու Բյուզանդիայի, իսկ ավելի ուշ՝ Բյուզանդիայի ու սելջուկների դեմ: Այդ դաժան և մահացու պայքարը առանձնապես սրվում է Սմբատ Ա-ի և Աշոտ Բ-ի ժամանակ, որ, ինչպես հայտնի է, պսակվում է փայլուն հաղթանակով խալիֆաթի դեմ: Աշոտ Բ-ից հետո սկսվում է դադարի և խաղաղության մի երկար ժամանակաշրջան, որի պայմաններում Բագրատունիների, Արծրունիների և հայկական մյուս մանր թագավորությունների և իշխանությունների տերիտորիաներում առաջանում են տընտեսական ու սոցիալական այն նախադրյալները, որոնք տանում էին քաղաքային կյանքի բուռն վերելքին: Այդ արդեն պատմական այն ժամանակաշրջանն էր, որ, ինչպես վկայում է Ասողիկը, ազարակները վերածվում է ավանների, ավանները՝ գյուղաքաղաքների, իսկ վերջիններս՝ քաղաքների: Դաղաքների, քաղաքային կյանքի բուռն վերելքի ժամանակաշրջանում սրվում է սոցիալական և դասային պայքարը հասարակական տարբեր խավերի ու դասերի միջև: Ինչպես քաղաքներում, այնպես էլ գյուղերում ծավալվում է սոցիալական-կրոնական աղանդավորական շարժումները, որոնք իրենց հերթին խարխուլում էին ֆեոդալական հասարակարգի հիմքերը:

Արդեն 10 և 12-րդ դարերում Հայաստանում ստեղծված սոցիալական ու քաղաքական նոր հարաբերությունների պայմաններում ձևավորվում է նաև աշխարհիկ կուլտուրան ու գրականությունը: Աշխարհիկ կուլտուրան ու արվեստը իրենց փայլուն արտահայտությունն են գտնում արվեստի բոլոր բնագավառներում և առանձնապես քաղաքացիական ճարտարապետության բնագավառում: Հանդես են գալիս աչքի ընկնող գրողներ, բանաստեղծներ, պատմագիրներ, հասարակական ու քաղաքական գործիչներ, օրենսդիրներ և այլն:

Նոր դարգացող ու բարձրացող քաղաքներում կառուցվում են մոնումենտալ շինարարական կոթողներ, պալատներ, տաճարներ, վանքեր, եկեղեցիներ: Ըստ Ն. Մառի և Թ. Թորամանյանի՝ այդ էպոխայի ճարտարապետությունը իր վրա է կրում նոր աշխարհիկ ոճի ազդեցությունը: Այս էպոխայի ճարտարապետական հուշարձաններն իրենց նոր ոճով հակադրվում են ասկետական և եկեղեցական խստապահանջ ոճին և արտահայտում են աշխարհիկ կյանքի իդեաներն ու ցանկությունները: Այդ կոթողները կառուցում են աշխարհիկ իդեաներով և վաղ վերածնության գաղափարներով տոգորված մարդիկ, ինչպիսիք են Տրդատը՝ Անիում, Մանվելը՝ Վասպուրականում և բազմաթիվ այլ անձնավորություններ:

Այդ էպոխայում բարձր վերելք է ապրում պատմագրությունը, հանդես են գալիս Շապուհ Բագրատունին, Դրասխանաբերտցին, Թովմա Արծրունին, Ստեփանոս Տարոնացին, Արիստակես Հաստիվերտցին, Կիրակոս Բանձակեցին, Ստեփանոս Օրբելյանը, որոնք արտահայտելով ֆեոդալական դասի քաղաքական իդեաները, այո կամ այն չափով արտահայտում են նաև քաղաքային աշխարհիկ կյանքի գաղափարախոսությունը: Այո էպո-

խայում է, որ զործում է Մխիթար Դոշը՝ Վերջապես պատմական այս ժամանակաշրջանում զարգանում է նաև աշխարհիկ զրականությունը, հրապարակ են իջնում Նարեկացին, Հովհաննես Բմաստասերը, Ներսես Շնորհալին, Ֆրիկը և ուրիշները։

Այս և այս կարգի բազմաթիվ վկայությունները հնարավորություն են տալիս մեծ գիտնական ակադեմիկոս Մառին, խոսելու 11—13-րդ դարերի մասին որպես հայ ժողովրդի քաղաքային աշխարհիկ կյանքի բուռն վերելքի, որպես վերածնության շրջանի մասին։

Մառը զարգացրեց այն առաջադիմական նոր միտքը, որ միջին դարերը Կովկասում ավելի վաղ են սկսվել, քան միջնադարյան Տեղաքակիրթ Նվրդայում։ Նա ցույց տվեց, որ քաղաքային կյանքի բուռն վերելքը, աշխարհիկ ոճն ու ճաշակը, դասակարգային սուր հակամարտությունները արդեն խարխել էին հայկական ֆեոդալական հասարակարդի տնտեսական հիմքերը, ճեղքվածքներ էին բաց արել նատուրալ տնտեսության ընդերքում և ուղի էի հարթել նոր, ավելի առաջադիմական կարգերի հետագա զարգացման համար։ Նա ապացուցեց, որ հասարակական նոր հարաբերությունները խանգարվեցին ու բեկանվեցին ոչ թե հայ ժողովրդի ներքին կյանքի զարգացման հետևանքով, այլ զրսի բազմաթիվ և աշխարհավեր արշավանքների հետևանքով։ Մառը անարգանքի սյունին դամեց Բյուզանդական թուլակազմ, տկար, բայց նենգամիտ ու խարդախ դործիչների ստոր քաղաքականությունը հայերի և Հայաստանի նկատմամբ։ Նա ցույց տվեց, որ Բյուզանդական կայսրության քաղաքականության հետևանքով Հայաստանը զրկվեց իր թաղավորներից, արտաքսվեցին երկրից հայ իշխանները, ոչնչացվեցին հայկական զինված ուժերը։ Բյուզանդացիները նվաճելով Շիրակը, Վասպուրականը և ոչնչացնելով հայկական իշխանների անկախությունն ու ինքնուրույնությունը, այնտեղ մտցրին Բյուզանդական վարչական և քաղաքական կարգերը։ Բյուզանդական նվաճողական քաղաքականության հետևանքով հայ ժողովուրդը բռնեց զաղթի ուղին և Հայաստանը տնտեսապես ու քաղաքականապես այնքան տկարացավ, որ սելջուկ թուրքերը 11-րդ դարի առաջին կեսից չհանդիպելով լուրջ դիմադրության, նվաճեցին Հայաստանը։

Արիստակես Աստիվերտցու վկայությամբ սելջուկ թուրքերը ոչ միայն մեկ, այլ երեքս անգամ պղծեցին ու ավերեցին մեր երկիրը։ Յուրաքանչյուր անգամ նրանք վերադառնում էին նույն տեղը և դարձյալ ու դարձյալ ավերում էին երկիրը, մինչև այն ժամանակ, որ այլևս չէր լսվում հայ աշխատավոր շինականի ու մշակի երգի ձայնն ու անասունների բառաչը։

«Այլ զրազմադէմ չարիսն, զորս նոքա... զործեցին ընդ զրով ով կարիցէ արկանել...» իսկ այժմ, շարունակում է նույն պատմիչը, — մենք տեսնում ենք թերկիր աւերակ, թափուր ի բնակչաց. քաղաքք կործանեալք, և անդստանանք խոպանացեալք և փշաբերք, ահադին և դարհուրելի անցաւորացն ցուցանիք»<sup>1</sup>

Սելջուկ թուրքերի արշավանքներից հետո, 13-րդ դարի առաջին կես-

<sup>1</sup> Ա. Բ. Լաստիվերտցի, նույն տեղում, էջ 70, 81։

սերում Հայաստանը խորտակեցին վերջնականապես ու անվերադարձ կերպով մոնղոլ թաթարները:

Բյուզանդացիների, սելջուկ թուրքերի և մոնղոլ թաթարների արշավանքների հետևանքով հայ հասարակական կյանքի նորմալ զարգացման ընթացքը կանգ առավ, և մեր ժողովրդի պատմությունը մի քանի դարով ետ տարվեց: